


宋史



志卷第九十四

宋史一百四十一

開府儀同三司在國錄軍國軍事前中書右丞相兼修國史預選事都總裁官脫脫奉  
勅

樂十六

高宗郊祀大禮五首

導引 聖皇巡狩清蹕駐三吳十世嗣瑤圖邊塵不  
動干戈戢文德溥天敷灰飛緹室氣潛嘘郊見紫壇  
初歸來赦令樓前下喜氣溢寰區

六州 雙鳳落佳氣藹龍山澄江左清湖右日夜海  
潮翻因吉地上築園壇宏基隆陛級神位周環邊陲

靜掛起橐鞬奠枕海隅安三年親祀一陽初動虔修  
大報高處紫煙燔者鳴鑿鈎陳肅天仗轉朔風寒孤  
竹管雲和瑟樂奏徹天關嘉邊薦玉奠璵璠奉神權  
九霄瑞氣起祥煙來如風馬歛然還畱福已滋繁回  
龍馭升丹闕布皇澤春色滿人間

十二時 日將旦陰暄潛消天宇扇祥飈邊陲靜謐  
夜熄鳴刁文教普芻昭興太學多士舒翹奉宗祧新  
廟榜宸毫配侑享於郊慈寧萬壽四海仰東朝男女  
正中壺致桃天年屢稔漕舟銜尾駭高廬接楹饒廟  
堂自有擎天一柱功比漢庭蕭多少羣工同德俊又

旁招吉祥諸福集燮理四時調三年如見六變奏咸  
韶望雲霄降福與唐堯

奉禋歌目蒼蒼天色是還非祝下應疑亦若斯統元  
氣覆無私四時寒暑推移物蕃滋造化有誰知嚴大  
報反本始禮重祀神祇律管灰吹黃宮動陽來復景  
長時車陳法駕仗列黃麾帝心祇紫雲霽霜華薄星  
爛明垂祥烟起紛敷浮袞冕六變笙鏞迭奏一誠幣  
玉交持宮漏聲遲千官顯相多儀百神嬉風爲雲車  
來止來綏誕降純禧受神策萬年無極歌頌昊天成  
命周詩

降僊臺上升煙旣罷良夜未曉天步下神丘鏘鏘鳴  
玉佩煒煒照金蓮杳藹雲裘綵仗初轉回龍馭旌旒  
悠悠星影踈動與天流漏盡五更籌大明升東海頭  
杲杲靈曜倒影射旗旒輦路具修鬱葱瑞光浮歸來  
雙闕看御樓有僊鶴銜書赦囚萬方喜氣均祉福播  
歌謳

孝宗郊祀大禮五首

導引止重華天子長至奉神虞九奏會軒朱星暉雲  
潤東方曉拜祝竹宮歸來千乘護皇輿瑞景集金  
鋪鷄竿高唱恩書下惠露匝中區

六州 嚴更永今夕是何年玉衡正鈎陳燦天宇起  
祥煙協風應江海安瀾重規仍疊矩聖主乘乾舜授  
禹盛事光前稱壽玉卮邊三年親祀一陽回律八鄉  
承宇觚陛紫爲壇仰天顏齋居寂誠心肅禮容專鳴  
鍾石擁輿衛五輅列駢間聽金鑰虎旅無眠儼千官  
湏期顯相嘉籩一人儉德動天淵費減大農錢神示  
格宗桃燕人民悅祉福正緜緜

十二時 庭有潦疊鼓鳴龜更問夜如何信星虓列  
天象森羅虞旦闕宮畢觴清廟漿柘樽犧繼猗那嘉  
頌可同科扈聖萬肩摩飭躬三宿泰時縟儀多丘澤

合嶽瀆從羲和娥神光燭雲車風馬芝作蓋玉爲珂奉

瑄成禮燔柴竣事休嘉砰隱丹闕湛恩波共願乾坤

隤祉邊鄙投戈覆盂連瀚海洗甲挽天河欣欣喜色

長遇六龍過奏雲和三春薦嘉禾

奉禋歌 吹葭緹籥氣潛分雲采宜書壤効珍長日

至一陽新四時玉燭和均物欣欣化轉洪鈞郊之祭

孤竹管六變舞雲門 古巖裡犧牲具粢盛潔豆籩

陳袞龍陟降幣玉紛綸徹高閣靈之旂神哉沛排歷

昆侖九歌畢盈郊瞻標燎斗轉參橫將旦天開地闢

如春清蹕移輪闐然詰以相聞籥祥雲驩臚入陛釐

逆三神聖矣吾君華封祝慈宮萬壽椒掖多男六合

同文

降仙臺上漏殘柝靜鷄聲遠到高燎入層霄雲表蟠

瑞靄天步下嘉壇旗旂飄搖黃麾列仗貔貅整氣壓

江湖導前從後盛官僚玉佩間金貂望扶桑日漸高

陰霾霜雪底處不潛消輦路祥飈披拂絳紗袍雲間

端闕仰名堯挾春澤喜狹黎苗禮成大慶鼉三抃受

昕朝

寧宗郊祀大禮四首

六州 皇撫極明德貫乾坤信屢劄卿雲爛輝日紫

微垣思報貺明詔祠宮練時蒐曠典紫時觚壇昭孝  
德親御和鑿振鷺玉珊珊精純謁款骨蕭曠煬黃流  
湛澹百末布生蘭和天闈延飛駕相彷彿降雲端神  
光集嘉嚮應靄靄萬衣冠竣熙事清曉輕寒恣榮觀  
華衣霧縠般般乾坤並貺慶君歡翹首聖恩寬遵皇  
極沛天澤靈心懌龜鼎永尊安

十二時下宵景霽河漢清夷曠典講明時合祛升侑  
孝德爰熙陳裸闕宮澹觴太室來奏天儀駟蒼螭玉  
輅馭綏綏觚陛展躬祠長稍飾玉翠羽秀金支華始  
倡雅韻出宮垂神來下雲車風馬續臨謁宴棲遲畢  
觴流昨柴煙竣事棠黎廻謁宣室受蕃釐盛德無心  
專饗端為民祈雲恩有截雨澤霈無涯君王愉樂龢  
氣溢瑤卮壽天齊長擁神基

奉裡歌 葭飛璇籥孕初陽雲絕清臺薦景祥風應  
律日重光歲功順底金穰壽而康庭壺樂無疆皇展  
報新禮樂觚陛詠賓鄉珠幄煥黃登瑞縑陳俎豆澹  
嘉觴袞衣輝煥寶佩琳琅奠椒漿慶陰陰神來下鳳  
翥龍驤靈燕喜錫符仍降嘏鏞管琳琅懽亮神之出  
後蘭堂輦路天香輕煙半襲旂常祉滂洋受釐宣室  
迓馭齋房恩與風翔華封祝皇來有慶八荒同壽寶

曆無疆

降僊臺 星芒收采雲容放曉羲馭漸揚明觚壇竣  
事霽風襲袞衣輕鑿路塵清甘泉鹵簿侵威肅回軫  
旋衡千官導從繁簪纓鈞奏間韶英瞻龍闈近鳳城  
都人雲會芬茀夾道懽迎宸極尊榮卮玉慶熙成瓊  
樓天上起和聲布春澤洪暢寰瀛嵩呼萬歲鼇三抃  
頌昇平

明堂大禮四首

合宮歌

聖明朝曠典乘秋舉大饗本仁祖九室八

牖四戶敕躬齊戒格堪輿盛牲實俎並侑總稽古王

露乍肅天宇冰輪下照金鋪燎煙噓鬱尊香雲門舞  
髮髯翔坐靈心咸嘉娛衆星俞美光屬照煩珠清曉  
御丹鳳湛恩徧浹率溥歡聲雷動嶽鎮呼徐命法駕  
萬騎花盈路萬姓齊祝壽同天地事超唐虞看平燕  
雲從此興文偃武待重會諸侯舊東都

六州

商秋肅嘉會協中辛涓路寢修禋祀聖德昭

清端志慮罄竭齋精錦繡排天仗羽衛繽紛朝太室  
返中宸被袞接神明時平天地俱清晏兼金行萬寶  
物盛藹清馨瞻煥座春容娛燕三靈奠瑤爵薦量幣  
清思窈冥冥望崑崙輪嘉祥塞網緼誠殫禮洽慶休

成潤澤被生民端門肆青旂庭稱賀俱將戩穀萬壽  
祝明君

十二時 炎圖鞏天祚昌期聖德茂重離英明經遠  
濬哲昭微寶儉更深慈觀萬國累洽重熙對時報禮  
秩神祇玉帛奏華夷肅雍顯相百辟盡欽祇奄嘉虞  
英璧奠華滋神安坐景氣澄虛極光燄燭長麗展詩  
應律萬舞透遲二獻洽皇儀垂靈祲慶祐來宜禮無  
違鳴鑾臨帝闕飛鳳下天倪清和寰宇霑澤一朝馳  
醇化無為萬祀鞏丕基

導引 合宮親饗青女肅長空精意與天通后皇臨  
顧誰為侑文祖暨神功函蒙祉福歲常豐豈聲教被華  
戎兩宮眉壽同榮樂戩穀永來崇

乾道發太上皇帝太上皇后冊寶導引一首  
重華真主晨夕奉庭闈祀慶成時乾元坤載同歸  
美寶冊兩光輝斑衣何似赭黃衣此事古今稀都人  
歡樂嵩呼震聖壽總天齊

淳熙發太上皇帝太上皇后冊寶導引一首  
新陽初應樂事起彤庭和氣滿吳京帝家來慶東皇  
壽西母共長生金書玉篆粲龍文前導沸懽聲修齡  
無極名無盡一歲一回增

加上太上皇帝太上皇后冊寶導引一首

皇家多慶親壽與天長德業播輝光焜煌寶冊來清  
禁玉篆映金相庭闈尊奉會明昌佳氣溢康莊洪禧  
申輯名增衍億載頌無疆

恭上壽聖皇太后至尊壽聖皇帝壽成皇后尊號冊  
寶導引一首

皇家盛事三殿慶重重聖主極推崇瑤編寶列相輝  
映歸美意何窮鈞韶九奏度春風彩仗煥儀容懽聲  
和氣彌寰宇皇壽與天同

加上壽聖皇太后尊號冊寶導引一首

重新萬壽八帙衍新元禮典備文孫溫溫和氣迎長  
日寶冊煥瑤琨徽音顯號自堯門德行已該存更期  
昌筭齊箕翼愈久愈崇尊

嘉泰二年加上壽成太皇太后冊寶導引一首

思齊文母盛德比姜任擁佑極恩深湯孫歸美熙鴻  
號鏤玉更繩金虞庭萬辟萃華簪法仗儼天臨層闈  
慶典年年舉千古播徽音

親耕籍田四首

導引 春融日煖四野瑞煙浮柳苑更柔柔土膏脉

起條風扇宿雪潤田疇金根轂轉如雷動羽衛擁貔

猗扶攜老稚康衢滿延跂望凝旒斗移星轉一氣又  
環周六府要時修務農重穀人胥勸耕籍禮殊尤壇  
壝嶽峙文明地黛耜駕青牛雍容南畝三推了玉趾  
更遲留

六州 昭聖武不戰屈人兵干戈戢烽燧熄海宇清  
寧民豐業歌詠昇平願咸歸畝力穡爲甿經界正  
東作西成農務軫皇情躬親耒耜相勸深耕人心感  
悅擊壤沸歡聲乘鸞輅羽旗綵仗鮮明傳清蹕行黃  
道緹騎出重城仰瞻日表映朱紘環佩更鏘鳴百執  
公卿不辭染履意專精準擬奉粢盛田多稼風行遐

邇家家給足胥慶生登

十二時 臨寰宇恭已巖廊屬意在耕桑愛民利物  
德邁陶唐躋俗盡淳龐開千畝帝籍神倉舉彝章祇  
祓壇場爲農事祈祥消辰行禮節物值春陽罄齊莊  
明德薦馨香宮禁嬖嬪妃并御侍種稔獻君王中闈  
表率陰教逾光帳殿靄煥黃桂栒設翠幕高張慶雲  
翔罇罍陳酒醴金石奏宮商神靈感格歲歲富倉箱  
慶明昌行旅不齋糧

奉禋歌 吾皇端立太平基奉祀肅雍格神祇撫御  
耦降嘉種何辭手攬洪縻命太史視日祇告前期驗

穹象天田入望更光輝掌禮陳儀蒐鉅典迎春令頒  
宣溫詔遍九圍人盡熙熙仰明時儼垂衣佳氣氤氳  
表麗禧豐年屢大田生異粟含滋吐秀九種傳圖盡  
來丹闕瑞應昌時亨運正當攝提佇見詠京坻躬稼  
稽重耘耔盛禮興行先百姓崇本業憂勤如禹稷播  
在聲詩

顯仁皇后上僊發引三首

導引 長樂晚綵戲萊衣奄忽夢報仙期帝鄉渺渺  
乘鸞去啼紅嬪御不勝悲蒼梧燼水杳難追腸斷處  
過江時銀濤千萬疊不知何處是瑤池

六州 中興運孝治格昇平迴駟馭弭鳳駕冊寶初  
上鴉名龍樓問寢候鷄鳴更翻來戲綵衣輕坤躔夜  
照老人星金觴上壽長願燕慈寧乘雲何處去愁斷  
紫簫聲追思金殿椒壁丹楹又誰知勤儉仁明風行  
化被宮庭佑聖主底明時陰功暗及生靈離宮晚花  
卉娉婷甲觀高潮海崢嶸往事回頭忽飄零空留嬪  
御掩泣望霓旌會稽山翠永祐陵高而今便是蓬瀛  
十二時 炎圖景運正延鴻文思坐深宮慈寧大養  
樂事時奏宸聰皇齡永恩霈下遍寰中君王乘綵服  
嬪御上瑤鍾年年誕節就盈吉月交慶流虹懽洽意

方濃不覺僊遊渺邈但號應蒼穹追慕念音容詩書  
慈儉配古追蹤躬行四德誰知繼二南風移眄俄空  
寶鑑脂澤塵封清都遠帝鄉遙杳難通想雲輶還上  
瀛蓬稽山何在當年禹宅萬古葱葱最難堪潮頭定  
海波融

顯仁皇后神主祔太廟導引一首

返虞長樂猶是憶賓天何事駕仙輶簫笳儀衛辭宮  
闕移仗入雲烟於皇清廟敞華筵昭穆謹承先千秋  
長奉丞嘗孝永享中興年

欽宗皇帝導引一首

鼎湖龍遠九祭畢嘉觴遙望白雲鄉簫笳淒咽離天  
闕千仗儼成行聖神昭穆盛重光寶室萬年藏皇心  
追慕思無極孝饗奉丞嘗

安穆皇后導引一首

鳳簫聲斷縹緲遡丹丘猶是憶河洲熒煌寶冊來天  
上何處訪僊遊葱葱鬱鬱瑞光浮嘉酌侑芳羞瑀與  
繡幃歸新廟百世與千秋

景 宮奉安神御三首

徽宗皇帝導引 中興復古孝治日昭鴻原廟飾瑰  
官金璧千門礚萬碣楹桷競穹崇亭童芝蓋擁旌龍

列聖儼相從共錫神孫千萬壽龜鼎亘衡嵩

顯仁皇后導引 坤儀厚載遺德滿寰中歸御廣寒

宮玉容如在飈輿遠長樂起悲風霓旌絳節下層空

雲闕曉瞳矐真游千載安原廟聖孝與天通

欽宗皇帝導引 深仁厚德流澤自無窮仙馭倏賓

空衣冠未返蒼梧遠遙望鼎湖龍人間髣髴詔天容

縹緲五雲中帝城猶有遺民在垂淚向西風

安恭皇后上僊發引一首

金殿晚愁結坤寧天下毋忽僊昇雲山浩浩歸何處

但聞空際綵鸞聲紫簫斷後無蹤跡煙靄夜澄澄曉

慶到瑤城當時花木正真真

高宗梓宮發引三首

導引 寒日短草露朝晞僊鶴下夢雲歸大椿亭畔

蒼蒼柳悵無由挽住天衣昭陽深暝鴉飛愁帶箭戀

恩栖笳簫三疊奏都人悲淚袂成帷

六州 堯傳舜盛事千古難并回龍馭辭鳳掖北內

別有蓬瀛爲天子父冊鴻名萬年千歲福康寧春秋

不說楚冥靈萊衣綵戲金殿玉卮輕宸游今不見煙

外落霞明前回丁未霧塞神京正同符光武中興肇

天獨力扶傾定宗廟保河山乾坤整頓庚庚功成日

脫屣遺榮訪崆峒容與丹庭笑挹塵寰不留行吾皇  
哀戀淚血灑神旌腸斷濤江渡明日稽山暮雲東望  
元陵

十二時 壁門雙闕轉蒼龍德壽儼祇宮軒屏正坐  
天子親拜天公儀紳笏羅鳩鷺粲庭中僊家歡不盡  
人世壽無窮誰知雲路玉京成就催返璇穹轉千萬  
緣空見說煙霄好處不與下方同塵合霧迷濛笙簫  
寥亮樓閣玲瓏中興大業巍巍稽古成功事去孤鴻  
忍聽宵柝晨鐘靈輿駕素幃低杳靡茸浙江潮萬神  
護川后滋恭因山祇事崔嵬禹穴此日重逢栢城封

愁長夜起悲風歌清廟千古誦高宗

虞主赴德壽官導引一首

上皇天大華旦煥堯文鴻福浩無垠羽龍俄駕靈輶  
去空鑱鼎湖雲稽山翠擁浙江濱歸旆捲續紛僊游  
指日嚴升祔萬載頌高勳

祔廟導引一首

虞觸奉主僊馭返皇宮禮典極欽崇雲旗前導開清  
廟龍管咽薰風魏魏堯父告神功追慕孝誠通千秋  
萬歲中與毓宗祀與天同

淳熙十六年高宗神御奉安導引一首

中興楫遜功德仰兼隆仁澤被華戎鼎湖俄痛遺弓  
墮如日想威容采儀懿範與堯同飈馭儼相從露宮  
真館偕來燕垂裕永無窮

紹熙五年孝宗皇帝虞主還宮導引一首

孝宗純孝前聖更何加高蹈處重華丹成僊去龍輶  
遠越岼暮山遐波神先爲捲寒沙來往護靈槎九虞  
禮舉神祇樂萬世祐皇家

祔廟導引一首

吾皇盡孝宗廟務宗尊鉅典備彌文巍巍東向開基  
主七世祔神孫退思九閏整乾坤寰宇慕洪恩從今

密邇高宗室千載事如存

慶元六年光宗皇帝發引一首

笳鼓發雲慘寒空丹旒去捲悲風憂勤六載親幾務  
有巍巍聖德仁功褰裳尊處大安宮荆鼎就遽遺弓  
僊游攀不及臣民號慟許蒼穹

神御奉安導引一首

龜書畀姒曆數在皇射楫遜仰高風鼎湖龍去遺弓  
墮冠劔鏃深宮塗山齊德翊成功僊魄蚤賓空珍臺  
閒館棲神地獻饗永無窮

寧宗皇帝發引二首

導引 三弄曉雲黯天低攀六引轉悲悽儉慈孝括  
鍾天性深仁厚澤偏羣黎東西南北溪商寬功甫就  
別宸闈臣民千古恨幾時羽衛帶潮歸

六州 明天子昔日丕纂鴻圖躬道德崇學問稽古  
訓訪羣儒日親廣屢論唐虞講求政治想都俞君臣  
一得志君孚外夷放順猶日選車徒仁恩霑四國固  
結滿寰區千年宗社萬歲規摹重新天命出乾符老  
癯策杖相扶願觀德化徧方隅幸無死須臾謂宣聖  
壽等嵩呼遽登雲輿上龍湖宸居幽寂紫雲孤宸章  
實畫但與月星但龍惟鳳翼已載塗忍聽笳鼓嗟呼

十二時 式微華鳥最仁賢儉德自躬全憂勤庶政  
三十餘年金風肅秋漸老七攝調恹恍徧群祀號泣  
訴旻天綴衣將出神凝玉几一夜登仙弓墮隔蒼煙  
七月有來同軌引緯動需輕悽愴淚潸然行號巷哭  
薤露聲傳東城去路驚濤忍見江船憔悴山川不禁  
簫鼓咽山陰處茂林脩竹竿竿望陵宮應弗遠金粟  
堆前人徒慕戀百神警待盤翥驅先戴鴻恩空痛慕  
淚珠連千秋歲功德寄華編

神主祔廟導引一首

中興四葉休德繼昭清王喜反日熙平氣調玉燭金穰

應八表頌聲騰中原圖籍八宸廷列聖慰真靈袞龍  
登廟游僊闕億萬載尊承

寶慶三年奉上寧宗徽號道引一首

中興五葉天子肇明禋一德格高旻寧皇至聖功超  
古萬國慕深仁徽稱顯號又還新功德粲雕珉乾坤  
繪畫終難盡遺澤在斯民

莊文太子薨導引一首

秋月冷秋鶴無聲清禁曉動玉情玉笙忽斷今何在  
不知誰報玉樓成七星授轡吟鸞種人不見恨難平  
何以返霓旌一天風露苦淒淒

景獻太子薨導引一首

霜月苦官鼓襲襲霓旌啓鶴闌空洞簫聲斷知何處  
海山依約五雲東玉符龍節參神闕昭聖眷慘天容  
千古恨無窮徧山松栢撼悲風

志卷第九十四

志卷第九十五

宋史一百四十二

開府儀同三司柱國錄軍國重事留書右丞相監修國史領經筵事都總法臣脫脫等奉

敕修

樂十七

詩樂

琴律

燕樂

教坊

雲韶部

鈞容直

四夷樂

詩樂虞庭言樂以詩為本孔門禮樂之教自興於詩始記曰十有三年學樂誦詩詠歌以養其性情舞蹈以養其血脉此古之成材所以為易也宋朝湖學之興老師宿儒痛正音之寂寥嘗擇取二南小雅數篇寓之埴籥使學者朝夕詠歌自爾聲詩之學

者稍知所尚張載嘗慨然思欲講明作之朝廷  
郊廟矣朱熹述爲詩篇彙于學禮將使後之學  
焉

### 小雅歌凡六篇

朱熹曰傳曰大學始教宵雅肄三謂習小雅鹿鳴  
四牡皇皇者華之三詩也此皆君臣宴勞之詩始  
學者習之所以取其上下相和厚也古鄉飲酒及  
燕禮皆歌此三詩及笙入六笙間歌魚麗南有嘉  
魚南山有臺六笙詩本無辭其遺聲亦不復傳矣  
小雅爲諸侯之樂大雅頌爲天子之樂

### 二南國風歌凡六篇

朱熹曰周南召南正始之道王化之基故用之鄉  
人焉用之邦國焉鄉飲酒及鄉射禮合樂周南關  
雎葛覃卷耳召南鵲巢采芣采蘋燕禮云遂歌鄉  
樂卽此六篇也合樂謂歌舞與衆聲皆作周南召  
南古房中之樂歌也關雎言后妃之志鵲巢言國  
君夫人之德采芣言夫人之不失職采蘋言卿大  
夫妻能循法度夫婦之道生民之本王化之端此  
六篇者其教之原也故國君與其臣下及四方之  
賓燕用之合樂也

小雅詩譜鹿鳴四牡皇皇者華魚麗南有嘉魚南山

有臺皆用黃鐘清宮

俗呼爲正宮調

二南國風詩譜關雎葛覃卷耳鵲巢采芣采蘋皆用

無射清商

俗呼爲越調

朱熹曰大戴禮言雅二十六篇其八百歌其八廢不可歌本文頗有闕誤漢末杜夔傳舊雅樂四曲一曰鹿鳴二曰騶虞三曰伐檀又加文王詩皆古聲辭其後新辭作而舊曲遂廢唐開元鄉飲酒禮乃有此十二篇之目而其聲亦莫得聞此譜相傳卽開元遺聲也古聲亡滅已久不知當時工師何

官改用道調皆止一曲皇祐中大饗明堂帝謂曰明堂直端門而致齋於內奏嚴於外恐失靖恭之意詔禮官議之咸言警場本古之鼗鼓所謂夜戒守鼓者也王者師行吉行皆用之今乘輿宿齋本緣祀事則警場亦因以警衆非徒取觀聽之盛恐不可廢若以奏嚴之音去明堂近則請列於宣德門百步之外俟行禮時罷奏一嚴亦足以稱虔恭之意帝曰旣不可廢則祀前一夕邇於接神宜罷之熙寧中親祠南郊曲五奏正宮導引奉禮降仙臺祠明堂曲四奏黃鐘宮導引合宮歌皆以六州十二時永厚陵導引

牙史志卷之十一  
八二  
嘗場及神主還宮皆四曲虞主祔廟奉安慈聖光獻  
皇后山陵亦如之諸后告遷升祔上仁宗英宗徽號  
迎太二宮神像亦以一曲導引率因事隨時定所屬  
宮調以律和之元豐中言者以鼓吹害雅樂欲調治  
之令與正聲相得楊傑言正樂者先王之德音所以  
感召和氣格降上神移變風俗而鼓吹者軍旅之樂  
耳蓋鼓角橫吹起於西域聖人存四夷之樂所以一  
天下也存軍旅之樂示不忘武備也鞞鞞氏掌夷樂  
與其聲歌祭祀則歛而歌之燕亦如之今大祀車駕  
所在則鼓吹與武嚴之樂陳於門而更奏之以備

至四暉謂之上準四寸半以象黃鍾之半律自四暉  
至七暉謂之中準中準九寸以象黃鍾之正律自七  
暉至龍齶謂之下準下準一尺八寸以象黃鍾之倍  
律三準各具十二律聲按絃附木而取然須轉絃合  
本律所用之字若不轉絃則誤觸散聲落別律矣每  
一絃各具三十六聲皆自然也分五七九絃琴各述  
轉絃合調圖五絃琴圖說曰琴爲古樂所用者皆宮  
商角徵羽正音故以五絃散聲配之其二變之聲惟  
用古清商謂之側弄不入雅樂七絃琴圖說曰七絃  
散而扣之則間一絃於第十暉取應聲假如宮調五

絃十暉應七絃散聲四絃十暉應六絃散聲二絃十暉應四絃散聲大絃十暉應三絃散聲惟三絃獨退一暉於十一暉應五絃散聲古今無知之者竊謂黃鍾大呂並用慢角調故於大絃十一暉應三絃散聲太簇夾鐘並用清商調故於絃十二暉應四絃散聲姑洗仲呂蕤賓並用宮調故於三絃十一暉應五絃散聲林鐘夷則並用慢宮調故於四絃十一暉應六絃散聲南呂無射應鐘並用蕤賓調故於五絃十一暉應七絃散聲以律長短配絃大小各有其序九絃琴圖說曰絃有七有九實卽五絃七絃倍其二九

絃倍其四所用者五音亦不以二變爲散聲也或欲以七絃配五音二變以餘兩絃爲倍若七絃分配七音則是今之十四絃也聲律訣云琴瑟齟四者律法上下相生也若加二變則於律法不諧矣或曰如此則琴無二變之聲乎曰附木取之二變之聲固在也合五七九絃琴總述取應聲法分十二律十二均每聲取絃暉之應皆以次列按古者大琴則有大瑟中琴則有中瑟有雅琴頌琴則雅瑟頌瑟實爲之合夔乃定瑟之制桐爲背梓爲腹長九尺九寸首尾各九寸隱間八尺一寸廣尺有八寸岳崇寸有八分中施

九梁皆象黃鐘之數梁下相連使其聲冲融首尾之下爲兩穴使其聲條達是傳所謂大瑟達越也四隅刻雲以緣其武象其出於雲和漆其壁與首尾腹取椅桐梓漆之全設二十五絃絃一柱崇二寸七分以五色五五相次蒼爲上朱次之黃次之素與黔又次之使肄習者便於擇絃絃八十一絲而朱之是謂朱絃其尺則用漢尺凡瑟絃具五聲五聲爲均凡五均其二變之聲則柱後抑角羽而取之五均凡三十五聲十二律六十均四百二十聲瑟之能事畢矣夔於琴瑟之議其詳如此朱熹嘗與學者共講琴法其

定律之法十二律並用太史公九分寸法爲準損益相生分十二律及五聲位置各定按古人以吹管聲傳於琴上如吹管起黃鍾則以琴之黃鍾聲合之聲合無差然後以次徧合諸聲則五聲皆正唐人紀琴先以管色合字定宮絃乃以宮絃下生徵徵上生商上下相生終於少商下生者隔二絃上生者隔一絃取之凡絲聲皆當如此今人苟簡不復以管定聲其高下出於臨時非古法也調絃之法散聲隔四而得二聲中暉亦如之而得四聲八暉隔三而得六聲九暉按上者隔二而得四聲按下者隔一而得五聲十

揮按上者隔一而得五聲按下者隔一而得四聲每  
疑七絃隔一調之六絃皆應於第十暉而第三絃獨  
於第十一暉調之乃應及思而得之七絃散聲爲五  
聲之正而大絃十二律之位又衆絃散聲之所取正  
也故逐絃之五聲皆自東而西相爲次第其六絃會  
於十暉則一與三者角與散角應也二與四者徵與  
散徵應也四與六者宮與散少宮應也五與七者商  
與散少商應也其第三第五絃會於十一暉則羽與  
散羽應也義各有當初不相須故不同會於一暉也  
旋宮諸調之法旋宮古有隨月用律之說今乃謂不  
必轉軫促絃但依旋宮之法而抑按之恐難如此泛  
論當每宮指定各以何聲取何絃爲唱各以何絃取  
何律爲均乃見詳實又以禮運正義推之則每律各  
爲一宮每宮各有五調而其每調用律取聲亦各有  
法此爲琴之綱領而說者罕及乃闕典也當爲一圖  
以宮統調以調統聲令其次第賓主各有條理仍先  
作三圖一各具琴之形體暉絃尺寸散聲之位二附  
按聲聲律之位三附泛聲聲律之位列于宮調圖前  
則覽者瞭然可爲萬世法矣觀熹之言則於琴法本  
融未繁至疏達而至縝密蓋所謂識其大者歟

燕樂古者燕樂自周以來用之唐貞觀增隋九部為十部以張文收所製歌名燕樂而被之管絃厥後至坐伎部琵琶曲盛流于時匪直漢氏上林樂府縵樂不應經法而已宋初置教坊得江南樂已汰其坐部不用自後因舊曲創新聲轉加流麗政和間詔以大晟雅樂施於燕饗御殿按試補徵角二調播之教坊頒之天下然當時樂府奏言樂之諸宮調多不正皆俚俗所傳及命劉昫輯燕樂新書亦惟以八十四調為宗非復雅音而世燕昵狎至有援君臣相說之樂以箝口者末俗漸靡之弊愈不容言矣紹興中始蠲

省教坊樂凡燕禮屏坐伎乾道繼志述事間用雜樂以充教坊之號取具臨時而廷紳祝頌務在嚴恭亦以明更不用女樂頒示子孫守之以為家法於是中興燕樂比前代猶簡而有關於君德者良多蔡元定嘗為燕樂一書證俗失以存古義今采其畧附于下黃鐘用合字大呂太簇用四字夾鐘姑洗用一字夷則南呂用工字無射應鐘用凡字各以上下分為清濁其中呂蕤賓林鐘不可以上下分中呂用上字蕤賓用勾字林鐘用尺字其黃鐘清用六字大呂太簇夾鐘清各用五字而以下上緊別之緊五者夾鐘清

聲俗樂以爲宮此其取律寸律數用字紀聲之畧也  
一宮二商三角四變爲宮五徵六羽七閏爲角五聲  
之號與雅樂同惟變徵以於十二律中陰陽易位故  
謂之變變宮以七聲所不及取閏餘之義故謂之閏  
四變居宮商之對故爲宮俗樂以閏爲正聲以閏加  
變故閏爲角而實非正角此其七聲高下之略也聲  
由陽來陽生於子終於午燕樂以夾鐘收四聲曰宮  
曰商曰羽曰閏閏爲角其正角聲變聲徵聲皆不收  
而獨用夾鐘爲律本此其夾鐘收四聲之略也宮聲  
此調曰正宮曰高宮曰中呂宮曰道宮曰南呂宮曰

僊呂宮曰黃鍾宮皆生於黃鍾商聲七調曰大食調  
曰高大食調曰雙調曰小食調曰歇指調曰商調曰  
越調皆生於太簇羽聲七調曰般涉調曰高般涉調  
曰中呂調曰正平調曰南呂調曰僊呂調曰黃鍾調  
皆生於南呂角聲七調曰大食角曰高大食角曰雙  
角曰小食角曰歇指角曰商角曰越角皆生於應鍾  
此其四聲二十八調之略也竊考元定言燕樂大要  
其律本出來鍾以十二律兼四清爲十六聲而夾鐘  
爲最清此所謂靡靡之聲也觀其律本則其樂可知  
變宮變徵既非正聲而以變徵爲宮以變宮爲角反

紊亂正聲若此夾鍾宮謂之中呂宮林鍾宮謂之南  
呂宮者燕樂聲高實以夾鍾為黃鍾也所收二十八  
調本萬寶常所謂非治世之音俗又於七角調各加  
一聲流蕩忘反而祖調亦不復存矣聲之感人如風  
偃草宜風俗之日衰也夫姦聲亂色不留聰明淫樂  
慝禮不接心術使心知百體皆由順正以行其義此  
正古君子所以為治天下之本也紹興乾道教坊迄  
弛不復置云

教坊自唐武德以來置署在禁門內開元後其人寔  
多凡祭祀大朝會則用太常雅樂歲時宴饗則用教

坊諸部樂前代有宴樂清樂散樂本隸太常後稍歸  
教坊有立坐二部宋初循舊制置教坊凡四部其後  
平荆南得樂工三十二人平西川得一百三十九人  
平江南得十六人平太原得十九人餘藩臣所貢者  
八十三人又太宗藩邸有七十一人由是四方執藝  
之精者皆在籍中每春秋聖節三大宴其第一皇帝  
升坐宰相進酒庭中吹觱栗以衆樂和之賜群臣酒  
皆就坐宰相飲作傾盃樂百官飲作三臺第二皇帝  
再舉酒群臣立於席後樂以歌起第三皇帝舉酒如  
第二之制以次進食第四百戲皆作第五皇帝舉酒

如第二之制第六樂工致辭繼以詩一章謂之口號  
皆述德美及中外蹈詠之情初致辭群臣皆起聽辭  
畢再拜第七合奏大曲第八皇帝舉酒殿上獨彈琵琶  
第九小兒隊舞亦致辭以述德美第十雜劇罷皇  
帝起更衣第十一皇帝再坐舉酒殿上獨吹笙第十  
二蹴鞠第十三皇帝舉酒殿上獨彈箏第十四女弟  
子隊舞亦致辭如小兒隊第十五雜劇第十六皇帝  
舉酒如第二之制第十七奏鼓吹曲或用法曲或用  
龜茲第十八皇帝舉酒如第二之制食罷第十九用  
角觥宴畢其御樓賜醕同大宴崇德殿宴契丹使惟

無後場難劇及女弟子舞隊每上三元觀燈樓前設露

臺臺上奏教坊樂舞小兒隊臺南設燈山燈山前陳

百戲山柵上用散樂女弟子舞餘曲宴會賞花習射

觀稼凡游幸但奏樂行酒惟慶節上壽及將相入辭

賜酒則止奏樂

都知色長二人攝太言令升簾對立  
透巡周大宴則酒唱偏曲宴宰相雖

各舉酒通用慢  
曲而舞三臺

所奏凡十八調四十六曲一曰正宮

調其曲三曰梁州瀛府齊天樂二曰中呂宮其曲二

曰萬年歡劬罷三曰道調宮其曲三曰梁州薄媚大

聖樂四曰南呂宮其曲二曰瀛府薄媚五曰仙呂宮

其曲三曰梁州保金枝延壽樂六曰黃鐘宮其曲三

曰梁州中和樂劔器七曰越調其曲二曰伊州石州  
八曰大石調其曲二曰清平樂大明樂九曰雙調其  
曲三曰降聖樂新木調採蓮十曰小石調其曲二曰  
胡渭州嘉慶樂十一曰歇指調其曲三曰伊州君臣  
相遇樂慶雲樂十二曰林鐘商其曲三曰賀皇恩泛  
清波胡渭州十三曰中呂調其曲二曰綠腰道人歡  
十四曰南呂調其曲二曰綠腰罷金鈺十五曰仙呂  
調其曲二曰綠腰絳雲歸十六曰黃鐘羽其曲一曰  
千春樂十七曰般涉調其曲二曰長壽仙滿宮春十  
八曰正平調無人曲小曲無定數不用者有十調一

曰高宮二曰高大石三曰高般涉四曰越角五曰商  
角六曰高大石角七曰雙角八曰小石角九曰歇指  
角十曰林鐘角樂用琵琶篳篥五絃琴箏笙感粟笛  
方響羯鼓杖鼓拍板法曲部其曲二一曰道調官聲  
瀛二曰小石調獻仙音樂用琵琶篳篥五絃琴箏笙感  
栗方響拍板龜茲部其曲二皆雙調一曰宇宙清二  
曰感皇恩樂用感粟笛羯鼓腰鼓揩鼓雞樓鼓鼗鼓  
拍板鼓笛部樂用三色笛杖鼓拍板

隊舞之制其名各十小兒隊凡七十二人一曰柘枝  
隊衣五色繡羅寬袍戴胡帽繫銀帶二曰劔器隊衣

五色繡羅襦裹交脚幞頭紅羅繡抹額帶器仗三曰  
婆羅門隊紫羅僧衣緋掛子執錫鑲柱杖四曰醉鬚  
騰隊衣紅錦襦繫銀鞞鞞戴氈帽五曰諱臣萬歲樂  
隊衣紫緋綠羅寬衫諱褱篋花幞頭六曰兒童感聖  
樂隊衣青羅生色衫繫勒帛總兩角七曰玉兔渾脫  
隊四色繡羅襦繫銀帶冠玉兔冠八曰異域朝天隊  
衣錦襖繫銀束帶冠夷冠執寶盤九曰兒童解紅隊  
衣紫緋繡襦繫銀帶冠花砌鳳冠綬帶十曰射雕回  
鶻隊衣盤鵠錦襦繫銀鞞鞞射鶻盤女弟子隊凡一  
百五十三人一日菩薩蠻隊衣緋生色窄砌衣冠卷

雲冠二曰感化樂隊衣青羅生色通衣背梳髻繫綬  
帶三曰拋毬樂隊衣四色繡羅寬衫繫銀帶奉繡毬  
四曰佳人翦牡丹隊衣紅生色砌衣戴金冠翦牡丹  
花五曰拂霓裳隊衣紅僊砌衣碧霞帔戴仙冠紅繡  
抹額六曰採蓮隊衣紅羅生色綽子繫暈裙戴雲鬟  
髻乘綵船執蓮花七曰鳳迎樂隊衣紅僊砌衣戴雲  
鬟鳳髻八曰菩薩獻香花隊衣生色窄砌衣戴寶冠  
執香花盤九曰綵雲仙隊衣黃生色道衣紫霞帔冠  
仙冠執旌節鶴扇十曰打球樂隊衣四色窄繡羅襦  
繫銀帶褱順風脚簇花幞頭執毬杖大抵若此而復

從宜變易百戲有蹙毬踏躑藏橛雜旋獅子弄瑤玲  
瓶茶盃瓊齷碎劔踏索上竿筋斗擎戴拗腰透劔門

打彈丸之類錫慶院宴會諸王賜食及宰相筵設時賜樂者第四部充建隆中教

坊都知李德昇作長春樂曲乾德元年又作萬歲升

平樂曲明年教坊高班都知郭延美又作紫雲長壽

樂鼓吹曲以奏御焉太宗洞曉音律前後親制大小

曲及因舊曲剏新聲者總三百九十凡制大曲十八

正宮平戎破陣樂南呂宮平晉普天樂中呂宮大宋

朝歡樂黃鐘宮宇宙荷皇恩道調宮垂衣定八方仙

呂宮甘露降龍庭小石調金枝玉葉春林鐘商大惠

帝恩寬歇指調大定寰中樂雙調惠化樂堯風越調

萬國朝天樂大石調嘉禾生九穗南呂宮調文興禮

樂歡僊呂調齊天長壽樂般設調君臣宴會樂中呂

調一斛夜明珠黃鐘羽降聖萬年春平調金觴祝壽

春曲破二十九正宮宴釣臺南呂宮七盤樂仙呂宮

王母桃高宮靜三邊黃鐘宮採蓮回中呂宮杏園春

獻玉杯道調宮折枝花林鐘商宴朝簪歇指調九穗

禾高大石調轉春鶯小石調舞霓裳越調九霞觴雙

調朝八蠻大石調清夜遊林鐘角慶雲見越角露如

珠小石角龍池柳高角陽臺雲歇指角金步搖大石

角念邊功雙角宴新春南呂調鳳城春仙呂調夢鈞  
天中呂調採明珠平調萬年枝黃鐘羽賀回鸞般涉  
調鬱金香高般涉調會天仙琵琶獨彈曲破十五鳳  
鸞商慶成功應鐘調九曲清金石角鳳來儀芙蓉調  
棗宮春蕤賓調連理枝正仙呂調朝天樂蘭陵角奉  
宸歡孤鴈調賀昌時大石調寰海清玉仙商玉芙蓉  
林鐘角泛仙槎無射宮調帝臺春龍仙羽宴蓬萊聖  
德商美時清仙呂調壽星見小曲二百七十正宮十  
一陽生玉牕寒念邊戍玉如意瓊樹枝鸚鵡裘寒鴻  
飛漏丁丁息鼙鼓勸流霞南呂宮十一仙盤露冰盤

芙蓉園林下風風雨雨調開月幌鳳來賓落梁塵  
陽臺慶年豐青駿馬中呂宮十三上林春春波綠百  
樹花壽無疆萬年春擊珊瑚柳垂絲醉紅樓折紅杏  
一園花花下醉遊春歸千樹柳仙呂宮九折紅蕖鵲  
度河紫蘭香喜見時荷蘭殿步瑤階千秋樂百和香  
佩珊珊黃鐘宮十二菊花杯翠幕新四塞清滿簾霜  
畫屏風折茱萸望春雲苑中鶴賜征袍望回戈稻稼  
成泛金英高宮九嘉順成安邊塞獵騎還遊兔園錦  
步帳博山鑪煖寒杯雲紛紛待春來道調宮九會夔  
龍泛仙杯披風襟孔雀扇百尺樓金罇滿奏明庭拾

落花聲聲好越調八翡翠帷玉照臺香旖旎紅樓夜  
朱頂鶴得賢臣蘭堂燭金鏘流雙調十六宴瓊林汎  
龍舟汀洲綠登高樓麥隴雉柳如煙楊花飛玉澤新  
玳瑁簪玉階曉喜清和人歡樂征戍回一院香一片  
雲千萬年小石調七滿庭香七寶冠玉唾盃辟塵犀  
喜新晴慶雲飛太平時林鐘商十採秋蘭紫絲囊留  
征騎塞鴻度回鶻朝汀洲鴈風入松蓼花紅曳珠佩  
遵渚鴻歇指調九榆塞清聽秋風紫玉簫碧池魚鶴  
盤旋湛恩新聽秋蟬月中歸千家月高大石調九花  
下宴甘雨足畫秋千夾竹桃攀露桃燕初來踏青回

拋繡毬潑火雨大石調八賀元正待花開採紅蓮出  
谷鶯遊月宮望回車塞雲平秉燭遊小石調九月宮  
春折仙枝春日遲綺筵春登春臺紫桃花一林紅喜  
春雨泛春池雙角九鳳樓燈九門開落梅香春冰拆  
萬年安催花發降真香迎新春望蓬島高角九日南  
至帝道昌文風盛琥珀杯雪花飛皂貂裘征馬嘶射  
飛鴈雪飄颻大石角九紅鑪火翠雲裘慶成功冬夜  
長金鸚鵡玉樓寒鳳戲雛一鑪香雲中鴈歇指角九  
玉壺冰卷珠箔隨風簾樹青葱紫桂叢五色雲玉樓  
宴蘭堂宴千秋歲越角九望明堂華池露貯香囊秋

氣清照秋池曉風度靖邊塵聞新鴈吟風蟬林鐘角  
九慶時康上林果畫簾垂水精簟夏木繁暑氣清風  
中琴轉輕車清風來仙呂調十五喜清和芰荷新清  
世歡玉鈎欄金步搖金錯落燕引雛草芊芊步玉砌  
整華裾海山青旋絮綿風中帆青絲騎喜聞聲南呂  
調七春景麗牡丹開展芳茵紅桃露囀林鶯蒲林花  
風飛花中呂調九宴嘉賓會羣仙集百祥凭朱欄香  
煙細仙洞開上馬杯拂長袂羽觴飛高般涉調九喜  
秋成戲馬臺汎秋菊芝殿樂瀾鵜杯玉芙蓉偃干戈  
聽秋砧秋雲飛般涉調十玉樹花望星斗金錢花玉

窓深萬民康瑤林風隨陽鴈倒金壘鴈來賓看秋月  
黃鐘羽七宴鄒牧雲中樹燎金鑪澗底松嶺頭梅玉  
鑪香瑞雪飛平調十萬國朝獻春盆魚上冰紅梅花  
洞中春春雪飛翻羅袖落梅花夜遊樂聞春雞因舊  
曲造新聲者五十八正宮南呂宮道調宮越調南呂  
調並傾杯樂三臺仙呂宮高宮小石調大石調高大  
石調小石角雙角高角大石角歌指角林鐘角高般  
涉調黃鐘羽平調並傾杯樂中呂傾杯樂劔器感皇  
化三臺黃鐘宮傾杯樂朝中措三臺雙調傾杯樂儺  
破拋毬樂醉花間小重山三臺林鐘商傾杯樂洞中

仙望行宮三臺歌指調傾杯樂洞仙歌三臺仙呂調  
傾杯樂月宮仙戴仙花三臺中呂調傾杯樂菩薩蠻  
瑞鷓鴣三臺般涉調傾杯樂望征人嘉宴樂引駕回  
拜新月三臺若宇宙賀皇恩降聖萬年春之類皆藩  
邸所作以述太祖美德諸曲多祕而平晉晉天樂者  
平河東回所製萬國朝天樂者又明年所製每宴享  
常用之然帝勤求治道未嘗自逸故舉樂有度雍熙  
初教坊使郭守中求外任止賜束帛真宗不喜鄭聲  
而或爲雜劇詞未嘗宣布于外太平興國中伶官蔚  
茂多侍大宴聞雞唱殿前都虞候崔翰問之曰此可

被管弦乎茂多即法其聲製曲曰鷄叫子又民間作  
新聲者甚衆而教坊不用也太宗所製曲乾興以來  
通用之凡新奏十七調總四十八曲黃鐘道調仙呂  
中呂南呂正宮小石歇指高平般涉大石中呂仙呂  
雙越調黃鐘羽其急慢諸曲幾千數又法曲龜茲鼓  
笛三部凡二十有四曲仁宗洞曉音律每禁中度曲  
以賜教坊或命教坊使撰進凡五十四曲朝廷多用  
之天聖中帝嘗問輔臣以古今樂之異同王曾對曰  
古樂祀天地宗廟社稷山川鬼神而聽者莫不和悅  
今樂則不然徒虞人耳目而蕩人心志自昔人君流

連荒亡者莫不繇此帝曰朕於聲技固未嘗留意內  
外宴遊皆勉強耳張知白曰陛下盛德外人豈知之  
願備書時政記世號太常爲雅樂而未嘗施於宴享  
豈以政聲爲不美聽哉夫樂者樂也其道雖微妙難  
知至於奏之而使人悅豫和平則不待知音而後能  
也今太常樂縣鍾磬塤箎搏拊之器與夫舞綴羽籥  
干戚之制類皆倣古逮振作之則聽者不知爲樂而  
觀者厭焉古樂豈真若此哉孔子曰惡鄭聲恐其亂  
雅亂之云者似是而非也孟子亦曰今樂猶古樂而  
太常乃與教坊殊絕何哉昔李照胡瑗阮逸改鑄鍾

磬處士徐復笑之曰聖人寓器以聲不先求其聲而  
更其器其可用乎照瑗逸制作久之卒無所成蜀人  
房庶亦深訂其非是因著書論古樂與今樂本末不  
遠其大略以謂上古世質器與聲朴後世稍變焉金  
石鍾磬也後世易之爲方響絲竹琴簫也後世變之  
爲箏笛匏笙也攢之以斗塤土也變而爲甌革麻料  
也擊而爲鼓木祝敔也胥之爲板此八音者於世甚  
便而不達者指廟樂罇鍾罇磬宮軒爲正聲而槩謂  
夷部鹵部爲淫聲殊不知大輅起於椎輪龍艘生於  
落葉其變則然也古者食以俎豆後世易以杯盃簞

席以爲安後世更以榻按使聖人復生不能舍杯盃  
榻按而復俎豆簞席之質也八音之器豈異此哉孔  
子曰鄭聲淫者豈以其器不若古哉亦疾其聲之變  
爾試使知樂者由今之器寄古之聲去恣憑靡曼而  
歸之中和雅正則感人心導和氣不曰治世之音乎  
然則世所謂雅樂者未必如古而教坊所奏豈奏爲  
淫聲哉當數子紛紛銳意改制之後庶之論指意獨  
如此故存其語以俟知者教坊本隸宣徽院有使副  
使判官都色長色長高班大小都知天聖五年以內  
詩二人爲鈐轄嘉祐中詔樂工每色額止二人教頭

止三人有闕卽填異時或傳詔增置許有司論奏使  
副歲閱雜劇把色人分三等遇三殿應奉人闕卽以  
次補諸部應奉及二十年年五十已上許補廟令或  
鎮將官制行以隸太常寺同天節寶慈慶壽宮生辰  
皇子公主生凡國之慶事皆進歌樂詞熙寧九年教  
坊副使花日新言樂聲高歌者難繼方響部器不中  
度絲竹從之宜去噍殺之急歸擘緩之易請下一律  
改造方響以爲樂準絲竹悉從其聲則音律諧協以  
導中和之氣詔從之十一月奏新樂於化成殿帝諭  
近臣曰樂聲第降一律已得寬和之節矣增賜方響

爲架三十命太常下法駕鹵部樂一律如教坊云初  
熙寧二年五月罷宗室正任以上借教坊樂人至八  
年復之許教樂政和三年五月詔比以大晟樂播之  
教坊嘉與天下共之可以所進樂頒之天下八月尚  
書省言大晟府宴樂已撥歸教坊所有諸府從來習  
學之人元降指揮令就大晟府教習今當並就教坊  
習學從之四年正月禮部奏教坊樂春或用商聲孟  
或用季律甚失四時之序乞以大晟府十二月所定  
聲律令教坊閱習仍令祕書省撰詞高宗建炎初省  
教坊紹興十四年復置凡樂工四百六十人以内侍

充鈐轄紹興末復省孝宗隆興二年天申節將用樂  
上壽上曰一歲之間只兩宮誕日外餘無所用不知  
作何名色大臣皆言臨時點集不必置教坊上曰善  
乾道後北使每歲兩至亦用樂但呼市人使之不置  
教坊止令修内司先兩旬教習舊例用樂人三百人  
百戲軍百人百禽鳴二人小兒隊七十一人女童隊  
百三十七人築毬軍三十二人起立門行人三十二  
人旗鼓四十人以上並臨安府差相撲等子二十一人御前中佐  
司差命罷小兒及女童隊餘用之

雲韶部者黃門樂也開寶中平嶺表擇廣州内臣之

聰警者得八十人令於教坊習樂藝賜名簫韶部雍  
熙初改曰雲韶每上元觀燈上巳端午觀水嬉皆命  
作樂於宮中遇南至元正清明春秋分社之節親王  
內中宴射則亦用之奏大曲十三一曰中呂宮萬年  
歡二曰黃鐘宮中和樂三曰南呂宮普天獻壽此曲  
亦太宗所製四曰正宮梁州五曰林鍾商泛清波六  
曰雙調大定樂七曰小石調喜新春八曰越調胡渭  
州九曰大石調清平樂十曰般涉調長壽仙十一曰  
高平調罷金鉦十二曰中呂調綠腰十三曰仙呂調  
絳雲歸樂用琵琶箏笙箏栗笛方響杖鼓羯鼓大鼓  
柏板雜劇用傀儡後不復補

鈞容直亦軍樂也太平興國三年詔籍軍中之善樂  
者命曰引龍直每巡省遊幸則騎導車駕而奏樂若  
御樓觀燈賜酺則載第一山車端拱二年又選擇日  
天武拱聖軍曉暢音律者增多其數以中使監視藩  
臣以樂工上貢者亦隸之淳化四年改名鈞容直取  
鈞天之義初用樂工同雲韶部大中祥符五年因鼓  
工溫用之請增龜茲部如教坊其奉天書及四宮觀  
皆用之有指揮使一人都知二人副都知二人押班  
三人應奉文字一人監領內侍二人嘉祐元年係籍

三百八十三人六年增置四百三十四人詔以爲額  
闕卽補之七年詔隸班及二十四年年五十以上者  
聽補軍職隸軍頭司其樂舊奏十六調凡三十六大  
曲鼓笛二十一曲并他曲甚衆嘉祐二年監領內侍  
言鈞容直與教坊樂並奏聲不諧詔罷鈞容舊十六  
調取教坊十七調肄習之雖間有損益然其大曲曲  
破并急慢諸曲與教坊頗同矣紹興中鈞容直舊管  
四百人楊存中請復收補權以舊管之半爲額尋聞  
其召募騷擾降詔止之及其以應奉有勞進呈推賞  
又申論止於支賜一次庶杜其日後希望紹興三十

年復詔鈞容班可蠲省令殿司比擬一等班直收頓  
內老弱癘疾者放停教坊所嘗援祖宗舊典點選入  
教雖暫從其請紹興三十一年有詔教坊卽日蠲罷  
各令自便

東西班樂亦太平興國中選東西班習樂者樂器獨  
用銀字感栗小笛小笙每騎從車駕而奏樂或巡方  
則夜奏於行宮殿庭

諸軍皆有善樂者每車駕親祀回則衣緋綠衣自青  
城至朱雀門列於御道之左右奏樂迎奉其聲相屬  
聞其數里或軍宴設亦奏之

掉刀捨牌翻歌等不常置

清衛軍習樂者令鈞容直教之內侍主其事園苑賜會及館待契丹使人

又有親從親事樂及開封府衙前樂園苑又分用諸軍樂諸州皆有衙前樂

四夷樂者元豐六年五月召見米脂砦所降戎樂四十二人奏樂於崇政殿以三班借職王恩等六人差監在京閑慢庫務門及舊城門敢勇三十六人與茶酒新任殿侍大晟樂書曰前此宮架之外列熊羆案所奏皆夷樂也豈容淆雜大樂乃奏罷之然古鞀鞀

氏掌四夷樂韎師旄人各有所掌以承祭祀以供宴享蓋中天下而立得四海之歡心使鼓舞焉先王之所不廢也漢律曰每六朝會宜設於殿門之外天子御樓則宮架之外列於道側豈可施於廣庭與大樂並奏哉

志卷第九十五

志卷第九十六

宋史一百四十三

開府儀同三司柱國錄軍國事尚書右丞相監修國史領經進事都總裁朕脫等奉

敕修

儀衛一

殿庭立仗

綦天下之貴一人而已是故環拱而居備物而動文  
謂之儀武謂之衛一以明制度立等威一以慎出入  
遠危疑也書載弁戈冕劉虎賁車輅周官旅賁王出  
入執盾以夾王車朝儀之制固已粲然降及秦漢始  
有周廬陛戟鹵簿金根大駕法駕千乘萬騎之盛歷  
代因之雖或損益然不過為尊大而已宋初因唐五

代之舊講究修葺尤為詳備其殿庭之儀則有黃麾  
大仗黃麾半仗黃麾角仗黃麾細仗凡正旦冬至及  
五月一日大朝會大褒冊受賀受朝則設大仗月朔  
視朝則設半仗外國使來則設角仗發冊授寶則設  
細仗其鹵簿之等有四一曰太駕郊祀大饗用之二  
曰法駕方澤明堂宗廟藉田用之三曰小駕朝陵封  
祀奏謝用之四曰黃麾仗親征省方還京用之南渡  
之後務為簡省此其大較也若夫臨時增損用置不  
同則有國史會要禮書具在今取所載撮其凡為儀  
衛志

殿庭立仗本充庭之制唐禮殿庭屯門皆列諸衛黃  
麾大仗宋興太祖增創錯繡諸旗并幡斝等著于通  
禮正至五月一日御正殿則陳之青龍白虎旗合一  
分左右五嶽旗五在左五星旗五在右五方龍旗二  
十五在左五方鳳旗二十五在右紅門神旗二十八  
分左右朱雀真武旗各一分左右阜纛十二分左右  
以上天一太一旗各一分左右攝提旗二分左右五  
金吾辰旗五北斗旗一分左右木火北斗在左  
金水土在右二十八宿  
各一角宿至壁宿在左  
奎宿至軫宿在右風伯雨師旗各一分左右白  
澤馴象仙鹿玉兔馴犀金鸚鵡瑞麥孔雀野馬犛牛

旗各二分左右日月合璧旗一在左五星連珠旗一  
在右雷公電母旗各一分左右軍公旗六分左右黃  
鹿飛麟兕騶牙白狼蒼烏辟邪網子貔旗各二分左  
右信幡二十二分左右傳教告止幡各十二分左右  
黃麾二分左右以上兵部日旗月旗各一分左右君王萬  
歲旗一在左天下太平旗一在右獅子旗二分左右  
金鸞金鳳旗各一分左右五方龍旗各一青赤在左  
黃白黑在  
右以上  
龍墀龍君虎君旗各五分左右赤豹黃羆旗各五  
分左右小黃龍旗一在左天馬旗一在右吏兵力士  
旗各五分左右天王旗四分左右太歲旗十二分左

右天馬旗六分左右排欄旗六十分左右左右幡斿  
各五行行七十五大黃龍旗二分左右大神旗六分  
左右以上六軍神宗元豐二年詳定所言正旦御殿合用  
黃麾仗案唐開元禮冬至朝會及皇太子受冊加元  
服冊命諸王大臣朝宴外國亦皆用之故事皇帝受  
羣臣上尊號諸衛各率其屬勒所部屯門殿庭列仗  
衛今獨修正旦儀注而餘皆未及欲乞冬會等儀悉  
加詳定詔從之又言御殿儀仗有黃麾幡三而無黃  
麾請製大麾一注旄於干首以取夏制黃色以取漢  
制用十二幅以取唐制用一旒以取今龍墀旗之制

建於當御廂之前以爲表識其當御廂之後則建黃  
麾幡二上謂蔡確等曰黃麾制度終有可疑今鑿而  
爲植於大庭夷夏共瞻或致博聞多識者譏議非善  
宜姑闕之乃止三年詳定所言昨定朝會圖於大慶  
殿橫街北止陳大輦逍遙平輦而輿未陳也當大輦  
之南增腰輿一小輿一古者扇翣皆編次雉羽或尾  
爲之故於文從羽唐開元改爲孔雀凡大朝會陳一  
百五十有六分居左右國朝復雉尾之名而四面略  
爲羽毛之形中繡雙孔雀又有雙盤龍扇皆無所本  
遂改製備扇團方扇爲二等繡雉凡朝會平輦逍遙

並陳於東西龍墀上徽宗政和二年議禮局上大慶

殿大朝會儀衛黃麾大仗五千二十五人仗首左右

廂各二部絳引幡十執各一人第一部左右領軍衛大將

軍各一員第二部左右領軍衛折衝掌鼓一人帥兵

官一十人次執儀刀部十二行每行持各十人後部並仗

同第一行黃雞四角斨凡斨皆手持以龍頭竿第二儀鍠五色幡

第三青孔雀五角斨第四烏戟第五緋鳳六角斨第

六細弓矢第七白鷺四角斨第八朱滕絡盾刀第九

阜鵝六角斨第十細弓矢第十一稍第十二綠滕絡

盾刀揭鼓二掌鼓三人後司同以上排列左右廂第一

部各於軍負之南居次廂第一部稍前第二部於第一  
部之後並相向次廂左右各三部第一左右屯衛  
第二左右武衛並大將軍第三左右衛將軍各一員  
第一果毅第二第三折衝各一員於仗首左右廂第  
一部之南相向持黃麾幡二人在當御廂前分立當  
御廂左右各一部左右衛果毅各一人於玉輅之前  
分左右並北向次後廂左右各三部第一左右驍衛  
將軍第二左右領軍衛折衝第三左右領軍衛果毅  
各一員第一一部分於當御廂之左右差後第二部左  
右金輅之後西偏右在象輅之後東偏第三部左在

革輅之後西偏右在木輅之後東偏並北向次左右  
廂各三部第一左右武衛將軍第二左右屯衛將軍  
第三左右領軍衛折衝各一員各在網子鷄鷄旛旗  
之前東西相向左右廂各步甲十二隊第一隊左右  
衛果毅第二左右衛第四左右驍衛第六左右武衛  
第八左右屯衛第十第十二左右領軍衛並折衝第  
三左右驍衛第五左右武衛第七左右屯衛第九第  
十一左右領軍衛並果毅各一員每隊旗一貌鷄鷄  
僊鹿金鸚鵡瑞麥孔雀野馬犛牛甘露網子內第十  
二隊旗  
同第一隊刀盾弓矢相間分十二隊每隊三十人五重第

一至第六隊在仗首第二部北第七至第十二隊在仗首第二部南東西相向左右廂後部各十二隊第一第二左右衛第五第七左右武衛第十第十二左右領軍衛並折衝第三第四左右驍衛第八第九左右屯衛並果毅每隊旗二角觶赤熊兕太平馴犀鷄鷄驪騶騶牙蒼烏白狼龍馬金牛次弩五人爲一列弓矢十人爲二重稍二十人爲四重以上在大慶殿門外第一至第四隊在前第五至第八隊在後第九至第十二隊又在後東西相向真武隊金吾折衝都尉一員仙童真武騰蛇神龜旗各一執各一人爆稍二人

弩五人爲一列弓矢二十二二人爲四重稍二十五人

爲五重以上在大慶門外中道北向排列殿中省尚

輦陳孔雀扇四十於簾外執各一人陳輦輿於龍墀大輦

在東部押執擎人二百二十有二人腰輿在南一十

有七人小輿又在南二十有五人皆西向平輦在西

逍遙在南共三十七人皆東向設繖扇於沙墀方繖

二分左右執繖將校四人團龍扇四分左右執扇都將四人方雉扇

一百分繖扇之後爲五行執扇長行一百人押當職掌二人

各立團龍扇之北金吾引駕官二人分立團扇之南

文德殿入閣之制唯殿中省細仗與兩省供奉官班

於庭太宗淳化二年增黃麾仗二百五十人神宗熙寧三年修閣門儀制宋敏求言本朝惟入閣乃御文德殿視朝今既不用入閣儀即文德殿遂闕視朝之禮乞下兩制及太常禮院約唐御宣政殿制裁定以備朔望正衙視朝之禮詔學士院詳定學士韓維等上其儀朔前一日有司供張于文德殿庭東面左金吾引駕官一人四色官二人各帶儀刀被金甲天武官一人判殿中省一人排列官一人扇二方繖一金吾仗碧欄十二各執儀刀兵部儀仗排列職掌一人押隊員僚二人黃麾幡一告止幡傳教幡信幡各八

龍頭竿戟各五十西面右金吾引駕官以下皆如東面天武官東西總百人門外立仗其東青龍旗一五嶽旗五五龍旗十其西白虎旗一五星旗五五鳳旗十御馬東西皆五匹每匹人員二人御龍官四人設御幄於殿後閣其日左右金吾將軍常服押本衛仗殿中省官押細仗東西對列俟皇帝受朝降坐放仗乃退徽宗政和三年議禮局上文德殿視朝之制黃麾半仗共二千二百六十五人殿內仗首左右廂各一部每部一百二十四人在金吾仗南東西相向絳引幡十執各一人分部之南北爲五重當御廂左右部同

左部在帥兵官東右部在帥兵官西各為十重左右

領軍衛大將軍各一員居部之中次廂左右第一第二第三部同掌

鼓一人次大將軍後次廂左右第一部中當御廂在右部次果毅次廂左右第二等

二部次折衝次後廂左右部次將軍帥兵官十人分部之南北為五重

北在絳引幡之南南在絳引幡之北次廂左右第一

第二第三部在部之南北當御廂次後廂左部在黃

麾東右部在黃麾西執儀刀部十行行十人每色兩

行為五重次廂左右第一第二第三部同當御廂次後廂左右部每色一行為十重左部以東

為首右部以西為第一行龍頭竿黃雞四角麾凡麾皆持

以龍頭竿第二儀鐙五色幡第三青孔雀五角麾第四

戟第五緋鳳六角麾第六細弓矢第七白鵝四角麾

第八朱縵絡盾刀第九阜鵝六角麾第十稍揭鼓二

掌揭鼓二人分立緋麾烏戟後當中次廂左右第一第二第三部同當御廂次後廂並一在

儀錦青麾間一在弓次廂左右各三部每部一百一

十五人次左右廂伏首之南東西相向第一部左右

屯衛大將軍及果毅各一員第二部左右武衛大將

軍第三部左右衛將軍各一員折衝各一員黃麾幡

二分立當御左右廂前中間北向當御廂左右各一

部每部一百二十四人在殿門內中道分東西並北

向次後廂左右部同大慶殿列於樂架之南左右衛果毅各一員左在部西在部

部東次後左右廂將軍維此次後廂左右各一部每部一百一十

四人次當御廂南左右驍衛將軍各一員左右廂各

步軍六隊第一隊每隊三十三人第二隊至第六隊每隊各二十七人分東西在仗

隊後第一左右衛第三左右武衛第五左右領軍衛

並果毅各一員第二左右驍衛第四左右屯衛第六

左右領軍衛並折衝各一員每隊旗二貌金鸚鵡瑞

麥犛牛甘露鸚鵡執各三人刀盾弓矢相間人數行列同

前左右廂步軍殿門外左右廟後部各六隊每隊三

十八人在部下親從後東西相向第一隊左右衛窮

三左右武衛第五左右領軍衛並折衝各一員第二

左右驍衛第四第六左右屯衛並果毅各一員角觶

太平馴犀騶牙白狼蒼鳥等旗各二弩五人為一列

弓矢十人為二重稍二十人為四重真武隊五十七

人在端禮門內中道北向大慶殿於殿門外前有金吾折衝

都尉一員僊童真武騰蛇神龜等旗各一爆稍二人

弩五人為一列弓矢二十人為四重稍二十五人為

五重排列仗隊職掌六人分立仗隊之間殿內四人

殿外二人殿中省尚輦陳扇二十於簾外執扇殿侍

二十人陳腰輿小輿於東西朵殿腰輿在東小輿在

西八員都將各一人輦官共四十人陳繖扇於殿下

方繖二團龍扇四並分左右夾繖執扇各一人方雉

扇六十作三重在繖扇之後輦官長行各一人金吾

左右將軍各一員在繖扇之南稍前四色官四人二

人立於將軍之南與繖扇一列宣敕放仗二人在引

駕官南執儀刀引駕官二人在親從官後長行二十

四人在四色官之南排列官二人在長行之南次金

甲天武官二人在長行南以上並分東西相向立設

旗於殿門之外青龍旗一在左五獄神旗各一次之

五方色龍旗各一次之五方色龍旗各一又次之白

虎旗一左右五星神旗各一次之五方色鳳旗各一

次之五方色鳳旗各一又次之詔頒行之大慶殿冊命諸王犬

臣黃麾仗準文德殿視朝

政和中大祀饗立仗大黃龍負圖旗一執紼二百人

陳于闕庭赤龍旗南少西太黃龍旗之北宣和冬祀

陳于大內前大黃龍旗一執紼六十人陳于遂頓官

門外宣德門次大黃龍負圖旗之南宣和此旗下又

有日月五星連珠北斗招搖蒼龍白虎朱雀玄武君

王萬歲獅子金鸞金鳳五方龍天下太平等旗凡二

十一正至受朝同龍墀旗陳於殿庭太廟在西櫺星

門外路南次赤龍旗少北青城在泰禋門外夏祭大

禮在明禋門外赤龍旗之南

宗祀祫饗大禮不設大黃龍旗

大神旗六執紼各九十人宣德門泰禋門並陳于大

黃龍旗之南東西相望太廟陳于西櫺星門外大黃

龍旗之西少南視赤龍旗為列南北相望龍墀旗執

紼各十二人左右有日月旗各一次君王萬歲旗一

宣德門泰禋門在路東太廟在門外路南次獅子旗

二左右有金鸞金鳳旗各一次五方龍旗各一青黃

赤龍旗宣德泰禋門在東大廟在南黑白龍旗宣德

泰禋門在西太廟在北次天下太平旗一宣德泰禋

門在路西太廟在路北以上旗皆在車駕前發仗內

執紼人並錦帽五色純繡寶相花衫錦臂鞞革帶

政和中遼使朝紫宸殿用黃麾角仗共一千五十六

人殿內黃麾幡二次四色官之南分左右仗首左右

廂各一部每部一百四十人朶殿下稍南絳引幡十

分部之南北各為五重左右領軍衛大將軍各一員

在部中稍南

次廂左右第一第二部同

掌鼓一人次大將軍後

次廂

左右第一二部次果毅第二部次折衛

帥兵官十人分部之南北

北在絳引幡之

南南左絳引幡之北次廂左

右第一二部在部之南北各為五重執儀刀部九

行每行持各十人第一龍頭竿黃雞四角斃

皆持以龍頭竿

第二儀鎧五色幡第三青孔雀五角斃第四烏戟第

五緋鳳六角斃第六細刀矢第七白鵝四角斃第八

稍第九皂鵝六角斃掌揭鼓一人在緋斃烏戟之後

次廂左右第一第二部同次廂左右各二部每部一百五人次左

右廂仗首之南第一部左右屯衛大將軍果毅各一

員第二左右武衛大將軍折衝各一員掌鼓以下至

掌揭鼓人數並同仗首殿外左右廂各步甲三隊每

隊三十三人第一左右衛第三左右武衛並果毅第

二左右驍衛折衝並各一員貔金鸚鵡瑞麥旗各二

以次分在三隊刀盾三十人爲五重內第二隊弓矢左右廂

後部各三隊第一隊每隊三十八人第二隊每隊三十三人第一左右衛第

三左右武衛並折衝第二左右驍衛果毅角觶太平

馴犀旗各二以次分在三隊弩五人爲一列弓矢十

人爲二重第一第二第三隊爲一列稍二十人爲四重排列仗隊職

掌二人次廂第二部之南分左右以上殿內仗隊東

西相向排列殿中省尚輦陳輿輦於東西朶殿平輦

在東西向逍遙輦在西東向設繖扇於殿下方繖二

分左右團龍扇四分左右夾方繖方雉扇二十四分

左右各二重在繖扇之後金吾四色官一人

政和中文德殿發冊用黃麾細仗共一千四百二人

設日旗君王萬歲旗獅子旗金鸞旗青龍旗赤龍旗

各一在殿東階之東以西為上月旗天下太平旗獅

子旗金鳳旗白龍旗黑龍旗各一在西階之西以東

為上每旗執俱北向立押當職掌二人分左右立於

日月旗南次方纛二團龍扇四夾方纛次金吾上將

軍二人將軍四人引駕官四人次金甲二人次四色

官六人內二人執笏餘執金銅儀刀次碧欄二十四

人內執金銅儀刀左右各六人在北次都押衙二人

立於碧欄之南少退次阜纛旗一十二每旗執左右

金吾仗司員僚各一人押纛立於旗南次青龍旗一

在東白虎旗一在西每旗執員僚二人押旗在旗之

北以上並分左右東西向次五方龍旗在東五方鳳

旗在西各二十五每五旗相間各依方色排列次五

嶽神旗五在東五星神旗五在西各依方位排列每

執次朱雀旗一在東真武旗一在西每旗執以上

並北向員僚二人押旗在旗之南分左右次紅門旗

二十八分左右每旗執次寅卯辰巳午未旗六在東

申酉戌亥子丑旗六在西天王旗四分左右夾辰旗

次龍君赤豹吏兵旗各五每旗各為一列在東每列

掩尾天馬旗一以次在東次虎君黃熊力士旗各五

每旗各為一列每列掩尾天馬旗一以次在西每旗

三員僚六人押仗各分立旗前次員僚四人押旗分  
左右東西為一列每列一員左廂第一隊鴉雞白澤玉馬

貔旗四瀆旗各一為一列下至第九隊旗行列準此第二隊角亢

氏房心宿旗各一第三隊虛危室壁奎宿旗各一第

四隊參井鬼柳宿駃騫旗各一第五隊三角獸黃鹿

莖文馴象飛麟旗各一第六隊辟邪玉兔吉利仙鹿

祥雲旗各一第七隊花鳳飛黃野馬金鸚鵡瑞麥旗

各一第八隊孔雀兕其露網子角端旗各一並各為

一列第九隊犀牛旗一設於孔雀旗後右廂第一隊

同左廂第一第二隊尾箕斗牛女宿旗各一第三隊

婁胃昴畢觜宿旗各一第四隊星張翼軫駃騫旗各

一第五至第八隊並同左廂第五至第八第九隊騶

牙旗蒼烏旗各二相間為一列每旗執俱北向員僚

二人押黃麾立於龍鳳旗之北左右廂五色龍鳳旗

之東西各設黃麾幡二次告止幡傳教幡信幡各五

次絳麾幡二次絳引幡五員僚五人押黃麾立於龍

鳳旗北少東排欄旗三十自黃麾幡東西排列以次

於南每旗執俱北向鐙杖哥舒各二十於殿東西兩

廂排列鐙杖起北哥舒間之俱東西相向左右廂執

白柯槍各七十五人東西相向又於騶牙旗南設大

黃龍旗一在殿門裏少西執捲二十人小黃龍旗一在大黃龍旗後少西執捲三人次大神旗六分左右衛尉等押當儀仗職掌四人排列通直官二人大將二人節級二人檢察六人左右金吾仗司押當職掌排列官各一人職掌大將檢察凡大朝會儀衛有司皆依令式陳設

初宋制有黃麾大仗半仗角仗細仗南渡後儀仗尤簡惟造黃麾半仗角仗細仗而大仗不設中興大朝會四朝惟一講紹興十五年正月朔旦是也然止以大仗三分減一用三千三百五十人自是正旦冬至

俱免大朝賀以爲定例焉黃麾半仗者大慶殿正旦受朝兩宮上冊寶之所設也用二千四百一十五人其內儀仗官兵等一千八百三人兵部職掌五人統制官二人皆幞頭公裳腰帶靴笏金吾司碧欄三十二人幞頭碧欄衫銅革刀執儀刀將官二人幞頭緋抹額紫繡羅袍背騰蛇銅革帶執儀刀笏頭一十人素帽紫袖衫纈衫黃勒帛執銅仗子金銅甲二人兜鍪甲衫錦臂衣執金銅鉞斧絳引幡十告止幡傳教幡信幡各二執幡人皆武弁緋寶相花衫勒帛黃麾幡二執幡人武弁黃寶相花衫銅革帶小行旗三百

人素帽五色抹額緋寶財衫勒帛五色小氅三百人  
儀鎧四十人皆纈帽五色寶相花衫勒帛金節一十  
二人武弁青寶相花衫銅革帶及叉三十人素帽五  
色寶相花衫勒帛綠稍二百一十人素帽緋寶相花  
衫勒帛烏戟二百一十人纈帽緋寶相花衫勒帛白  
柯槍六十人素帽子銀褐寶相花衫勒帛儀弓二百  
七十人纈帽素寶相花衫勒帛儀弩六十人平巾幘  
緋寶相花衫勒帛銅仗子二十人素帽紫紬衫黃勒  
帛儀刀百八十四人平巾幘緋寶相花衫內大旗下  
六百一十二人大旗三十四龍旗一十鳳旗一十五

星旗五嶽旗各五青龍旗白虎旗朱雀旗玄武旗各  
一每旗扶拽一十七人搭材一名武弁五色寶相花  
衫勒帛其外殿中輿輦繖扇百三十三人逍遙平輦  
各一每輦人員八人帽子宜男纈羅單衫塗金銀柘  
枝腰帶輦官二十七人幙頭白獅子纈羅單衫塗金  
銀海捷腰帶紫羅裏夾三檐中道繖扇六十六輦官  
七十人素方繖四十四人弓脚幙頭碧欄衫塗金銅  
革帶烏皮履繡紫方繖落花團扇二十八人雉扇  
二十二準備四人皆武弁緋寶相花袍銅革帶鳳  
扇二十二黃抹額黃寶相花袍黃勒帛編排儀仗

職掌五人立殿下繖扇後烏皮介幘緋羅寬衫白羅大帶其黃麾小半仗者大慶殿冊皇太子及穆清殿皇后受冊之所設也用一千四百九十九人其內儀仗官兵等八百八十七人兵部職掌十二人金吾司碧欄三十人絳引幡二告止幡一傳教幡一信幡一用十五人黃麾幡一三人小行旗百八十人五色小斄子百八十人金節十二人儀鎧斧二十三人綠稍七十五人烏戟七十五人白柯槍八十一人儀弓六十三人儀弩四十五人銅仗子一十人儀刀六十七人統制官將官牽頭金銅甲皆與前半仗同內大旗

下六百一十二人殿中輿輦繖扇百三十二人皆同前半仗其黃麾角仗者大慶殿冬至受朝紫宸殿卽位兩宮賀節慶壽紫宸殿受金使朝之所設也用一千五十六人內金吾司放仗官二人統制官一人攝大將軍六人旁頭五人黃麾幡一三人絳引幡八二十四人金節十二人儀弓七十人儀弩五十人儀刀七十人儀鎧斧一十三人白柯槍三十人綠稍七十八人烏戟七十人小行旗三百人五色小斄三百人銅仗子三十人其黃麾細仗者大慶殿文德殿發冊及進國史之所設也東都用一千四百二人中興後或

用百人至五百人隨事增損而其執仗有四小行旗五色小氅儀刀銅仗子其服色有四纈帽子素帽子平巾幘武弁冠五色寶相花衫勒帛○大朝會之外有日參四參六參朔參望參朔參用釐務不釐務通直郎已上望參用釐務通直郎已上宣制非時慶賀以望參官餘以朔參官四參官謂宰執侍從武臣正任文臣卿監員郎監察御史已上四參遇雨則改日參在京宮觀奉朝請者赴六參高宗移蹕臨安殿無南廊遇雨雪則日參官於南閣內起居宰執使相立簷下侍從兩省臺諫官以下立南閣內卿監郎官武

功大夫以下立東西廊紹興十二年十月有司請行正至朝賀禮及講求祖宗故實常朝視朝正衙便殿之儀乃討論朔日文德殿視朝紫宸殿日參望參垂拱殿日參四參假日崇政殿坐聖節垂拱紫宸殿上壽之制請先御正殿視朝十一月禮部侍郎王賞言正至大慶賀受朝係御大慶殿與文德紫宸垂拱殿禮制不同月朔視朝則御文德殿謂之前殿正衙設黃麾半仗其餘紫宸垂拱皆係別殿不設儀仗今大慶殿朝會禮文繁多欲先舉行文德殿視朝之制時行宮止一殿乃更作崇政垂拱二殿御史臺請以射

殿爲崇政殿朔望權置帳門以爲紫宸殿宣赦書德音麻制以爲文德殿羣臣拜表聽御札批答權作文德殿東上閣門其垂拱殿四參於殿門外設位版十三年始視朝于文德殿設黃麾半仗二千四百十五人六月紫宸殿望參設黃麾角仗一千五十六人自是後殿坐及射殿引呈公事以日景已高依舊制設衛士青涼織十淳熙十四年詔引呈射殿公事殿門外排立御馬如後殿之儀○大朝會儀舊制垂拱殿設簾殿上駐輦候起居稱賀班絕乘輦樞密知閣門官樞密都副承旨諸房副都承旨前導管軍引駕至

大慶殿後幄降輦入次更衣紹興十五年正月朔日以二殿經塗與東都異乃以常御殿爲垂拱殿免駢輦設簾帷設椅子稱賀畢過大慶殿後幄前期儀鸞司設御榻於大慶殿中南向設東西房於御榻左右稍北設東西閣於殿後左右殿上前楹施簾設香案於殿下太常展宮架樂於殿庭橫街之南其日御輦院陳輿輦繖扇於殿下東西相向兵部陳五輅於皇城南門外俱北向騏驎院列御馬於殿門外東西相向兵部帥屬設黃麾仗三千三百五十人於殿門內外以殿狹輦出房不鳴鞭淳熙十六年正旦行稱賀

禮比政和五禮月朔視朝儀皇帝御大慶殿服鞞袍  
卽御坐皇太子文武百僚常服稱賀而設黃麾半仗  
二千四百十五人及冬至朝賀設黃麾角仗一千五  
十人著爲令而大朝會議自紹興十五年以後不  
設

志卷第九十七

宋史一百四十四

開府儀同三司柱國錄軍國重事前書丞相監修國史領經筵事都總裁  
長脫脫奉

勅修  
儀衛二

宮中導從

行幸儀衛

宮中導從之制唐已前無聞焉五代漢乾祐中始置  
主輦十六人捧足一人掌扇四人持踏牀一人並服  
文綾袍銀葉弓脚幞頭尚宮一人寶省一人高鬚紫  
衣書省二人紫衣弓脚幞頭新婦二人高鬚青袍大  
將二人紫衣弓脚幞頭童子執紅絲拂二人高鬚髻  
青衣執犀盤二人帶鬚頭黃衫執翟尾二人帶鬚頭

黃衫雞冠二人紫衣分執金灌器唾壺女冠二人紫衣執香爐香盤分左右以次奉引太宗太平興國初增主輦二十四人改服高脚幞頭輦頭一人衣紫繡袍持金塗銀仗以督領之奉珍珠七寶翠毛華樹二人衣緋袍奉金寶山二人衣綠繡袍奉龍腦合二人衣緋銷金袍並高脚幞頭執拂翟四人鬚頭衣黃繡袍舊衣綾袍紫衣者悉易以銷金及繡復增司簿一人內省一人司儀一人司給一人皆分左右前導凡一十七行每正至御殿祀郊廟步輦出入至長春殿用之其乘輦則屈右足垂左足而憑几蓋唐制也真

宗時加四面內官周衛大中祥符三年內出繪圖以示宰相

行幸儀衛宋初三駕皆以待禮事車駕近出止用常從以行其舊儀殿前司隨駕馬隊凡諸班直內殿前指揮使全班祇應左班七十六人二十四人在駕前左邊引駕五十二人作兩隊馬隨駕右班七十七人二十四人在駕前左邊引駕五十三人在駕後作兩隊隨駕二十七人第一隊二十六人第二隊內殿直五十四人散員六十四人散指揮六十四人散都頭五十四人散祇候五十四人金槍五十四人茶酒班

祇應殿侍百五十七人東第二班長入祇候殿侍十  
八人駕後動樂三十一人馬隊弩手分東西八十五  
人招箭班三十五人散直百七人鈞容直三百二十  
人御龍直百四十二人御龍骨朶子直二百二十人  
並全班祇應御龍弓箭直百三十三人御龍弩直百  
三十三人寬衣天武指揮二百一十六人各有都虞  
候指揮使  
員僚若隨馬不使馬隊卽減內殿直散員散指揮散都  
頭散祇候金槍等直仍減東西班馬隊弩手八十五  
人餘並同上凡皇城司隨駕人數崇政殿祇應親從  
四指揮共二百五十二人執擎骨朶充禁衛崇政殿

門外快行祇候親從第四指揮五十四人車駕導從  
兩壁隨行親從親事官共九十六人並於駕前先行  
行幸所到之處充行官司把門灑掃祇應各有正副  
都頭節給  
將尚書兵部供黃麾仗內法物罕畢各一五色繡氅  
子並龍頭竿柱第一清繡孔雀氅第二緋繡鳳氅第  
三青繡孔雀氅第四皐繡鴉氅第五白繡鴉氅第六  
黃繡雞氅右六軍儀仗司供儀仗法物內獅子旗四  
口克門旗二口各一人執分左右二口各十人執捲  
分左右捲人執弓箭又左金吾引駕仗供牙門旗十  
四口十口開五門每門二口每口一人執二人夾計

三十人並騎夾人執弓箭監門校尉二十人每門四人並帶儀刀騎二口係前步甲第七隊前二口係前部黃麾第一隊前二口係後部黃麾第一隊前二口係後步甲第一隊前二口係後步甲第七隊前四口開二門每門二口每口一人執二人夾計十二人並騎監門校尉六人並帶儀刀騎二口係兵部班劔儀刀隊後二口係真武隊前又右金吾引駕仗供牙門旗十四口制同左仗仁宗康定元年參知政事宋庠言車駕行幸非郊廟大禮具陳鹵簿外其常日導從惟前有駕頭後擁繖扇而已殊無禮典所載公卿奉

引之盛其侍從乃百司官屬下至廝役皆雜行道中步輦之後但以親事官百餘人執搨以殿謂之禁衛諸班勁騎頗與乘輿相遠士庶觀者率隨扈從之人夾道馳走喧呼不禁所過旗亭市樓垂簾外蔽士民馮高下瞰莫為嚴憚邏司街使恬不可止威令弛闕玩習為常非所謂旄頭先驅清道後行之慎也且自黃帝以神功盛德猶假師兵營衛則防微御變古今一體案漢魏以降有大駕小駕之儀至唐又分殿中諸衛黃麾等仗名數次序各有施設國朝承五姓荒殘之弊事從簡略每鳴鑾游豫盡去戈戟旌旗之制

儀衛寡簿頗同藩鎮此皆制度放失憚于改作之咎  
宜委一二博學近臣計繹前代儀注及鹵簿令以乘  
輿常時出入之儀比之二駕諸仗酌取其中稍增儀  
物具嚴法禁以示尊極以防未然革去因循其在今  
日詔太常禮院與兩制詳定參以舊儀別加新制兩  
制同禮官議略準小駕制度添清道馬早畢旗斃等  
物別為常行禁衛儀加清道馬百匹並帶器械分五  
行行二十人請下殿前司早畢各一分左右并騎牙  
門旗前後各四分左右並騎緋繡鳳斃二十四分左  
右並騎以上請下殿前司雉羽十二分左右請於

差充以上新添百六十二人凡天武官舊二百一十六

人空行今添執哥舒為一重親從官舊百四十五人  
今添百五十五人通為三百人為一重殿前指揮使  
舊四十八人今添百三十二人通為二百人或於近

上諸班相兼差充並騎為一重以上因舊人數添舊

百九人新添三百七凡駕前殿前指揮使親從官為

人共七百一十六人二重左右相對各開二門約二丈每門並差人員二  
人押當第一門與通事舍人相對第二門與各門使

相對每有臣僚迎駕起居並令中道候起居畢於左  
右門出其諸色人止令於牙門旗前道傍起居不得

便入禁衛中

每門外重令殿前指揮使執旗二面以表門用轉光錯綵旗通上計五重皆掩

後團

凡百司祗應人於禁衛內無執掌者及隨駕臣

僚除合將入禁衛隨從人數外餘並令於殿前指揮使行外左右前後行凡前牙門旗以後後牙門旗以前屬禁衛中不得輒入凡中書樞密院臣僚並於從內第二重寬衣天武內行馬其餘隨駕文武臣僚並在從內第四重殿前指揮使內分左右依官位行馬凡車駕經歷去處若有樓閣並不得垂簾障蔽及止絕士庶不許臨高瞰下止於街兩傍立觀卽不得夾路喧呼馳走

前牙門以前後牙門以後不在此限

凡車駕未出皇殿門

宣德左右掖東華拱辰門及已至所幸處卽自有門禁不用牙門旗約束凡車駕已在道前牙門旗雖行後牙門旗未行除止絕閑雜行人外其隨駕臣僚官司人等並依常例次第赴合隨從及行馬去處凡前牙門旗在清道馬後約十步已來後牙門旗在駕後殿前指揮使之後凡街巷寬闊處儀衛並依新圖排列如遇窄狹街巷禁衛止用親從官二重御龍直二重雉扇隨輦其後前指揮使天武官並權分於駕前後隨行後至寬闊處乘輿徐行儀仗依舊排列或駕幸園苑宮觀寺院并臣僚宅卽清道馬儀仗殿前指

揮使天武官更不入惟於外排立其隨駕臣僚及諸司人自依常例隨從候駕行依次排列或臣僚宅在巷內前去不通人行處其儀仗殿前指揮使等各於巷口排立止絕行人餘並如故時詳定閱習既畢或言新制嚴密慮違犯者衆因不果行嘉祐六年先是幸睦親宅抱駕頭內臣墜馬壞駕頭太常禮院閣門及整肅禁衛所請自今車駕出以閣門祗候并內臣各二員分駕頭左右扇篋後編攔仍以皇城司親從官二十人隨之哲宗紹聖二年詔車駕行幸儀衛駕後東西班殿侍馬兩隊撥充駕前編攔分兩壁行於

前引行門之前隨身器械各別給銀骨朶一駕後隊殿前指揮使馬以百人分四隊不足據人數均差仍別差人員六人內殿直散員散指揮散都頭散祗候並增作一百四人分四隊內人員各四人金槍班添一隊作七十八人內人員三人弩手班添兩隊充填撥過東西班殿侍馬兩隊禁衛御龍直弓箭直弩直長行仍各添給銀骨朶禁衛外添差編攔天武人員長行共二百人揀選有行止舊人充出入止於宣德門外至行在所卽止於行宮門外南渡後乘輿出入有儀高宗將迎韋太后于郊因製常行儀仗

用黃麾仗二千二百六十五人孝宗朝德壽宮咸一  
千人用殿前司六百二十九人皇城在內巡檢司三  
百九十一人崇政殿四百四十九人凡一千四百六  
十九人四孟詣景靈宮用殿前司八百七十五人皇  
城在內巡檢司五百二十八人崇政殿五百二十一  
人凡一千九百二十四人九年正月詔駕出御後殿  
坐宰執百官儀衛等赴後殿起居殿上登輦出後殿  
門駕回入祥曦殿門

太上皇儀衛隆興元年孝宗嗣位詔有司討論德壽  
宮輿輦儀衛先是紹興三十二年六月詔上皇日常

朝殿差御龍直四十三人執仗排立并設繖扇鳴鞭  
宰執退朝仍赴德壽宮起居如遇行幸令禁衛所隨  
以祇應兩奉上皇旨却而不受故復有是詔尋有司  
上言漢之未央唐之興慶其車輦儀衛不載今父堯  
子舜事親典禮凡往古來今所未備者當以義起極  
其尊崇爲萬世法遂定宰執百官詣德壽宮起居則  
禁衛所依後殿坐儀排列禁衛二百九十七人祇應  
行幸則禁衛所差行門禁衛諸班直天武親從官及  
繖扇鳴鞭燭罩等合五百人隨行扈從前引七十人  
內行宮殿前崇政殿親從一十人都下親從二十人

快行親從二十人殿前指揮使二十人中道六十人  
編排禁衛行子十人執從物御龍直三十人執纛  
扇天武一十人崇政殿親從攔前一十人禁衛圍子  
四重四百人第一崇政殿親從一百人第二御龍直  
骨朶直弓箭直三十人東西班七十人第三執燭罩  
都下親從一百人第四內殿直一十人散員散指揮  
散都頭散祇候金鎗銀鎗班各一十人後從殿前指  
揮二十人

皇太后儀衛自乾興元年仁宗卽位章獻太后預政  
侍衛始盛用禮儀院奏製皇太后所乘輿名之曰大

安輦天聖元年有司言皇太后車駕出合設護衛御  
龍直都虞候一人都頭二人副都頭一人長行五十  
人十將已下骨朶子直都虞候一人都頭二人副都  
頭二人十將長行八十人弓箭直指揮使一人都頭  
二人副都頭二人十將長行五十人弩直指揮使一  
人都頭二人副都頭二人十將長行五十人殿前指  
揮使兩班左班都虞候一人都知一人行門三人長  
行二十人帶器械右班指揮使一人都知一人行門  
三人長行二十人帶器械皇城司禁衛二百人寬衣  
天武二百人供御輦官六十二人寬衣天武百人餘

諸司祇應鳴鞭侍衛如乘輿之儀詔依嘉祐八年英宗即位太常禮院言準詔再詳定皇太后出入儀衛御龍直都頭二人長行二十五人骨朶子直都頭二人長行四十人弓箭直都頭二人長行二十五人弩直都頭二人長行二十五人殿前指揮使兩班各都知一人行門各二人長行各一十人帶器械皇城司禁衛一百人寬衣天武一百五十人打燈籠子親事官八十人入內都知御藥院官各一員內東門司篋臣二員御輦院短鐙教駿攏馬親事官入內院子諸司并入內內侍省祇應內品人數不定詔依治平元

年詔太皇后出入唯不鳴鞭他儀衛如章獻明肅故事四年神宗嗣位詔太皇太后儀範已定皇太后合設儀衛御龍直骨朶子直差都虞候都頭副都頭各一人十將長行各共三十人弓箭直弩直差指揮使都頭副都頭各一人十將長行各共二十人皇城司親從官一百人執骨朶寬衣大武官口五十人充圍子行宮司人員共一百人入內院子五十人充圍子皇城司親事官八十人打燈籠短鐙馬攏馬親從官金銅車梭車隨車子祇應人擎檐子供御輦官執擎從物等供御次供御并下都輦直等人數不定都知

一員御藥院使臣二員內東門司使臣二員內酒坊  
御厨法酒庫儀鸞司乳酪院翰林司翰林院車子院  
御膳素厨化成殿果子庫並從遇出新城門添差帶  
器械內臣哲宗即位元祐元年詔太皇太后出入儀  
衛並依章獻明肅皇后故事其不可考者則依慈聖  
光獻皇后之例既而又詔太皇太后出入儀衛添御  
龍骨朶子直三十六人御龍方箭直四十五人御龍  
弩直四十五人皇城司禁衛五十人馬隊三百五十  
人東西班茶酒班殿侍共一百人快行增至二十人  
軍頭引見司監官二員並將帶承局等子依隨舊例

祇應鈞容直并動樂殿侍則候開樂取旨仁英哲之  
世太后臨朝垂簾儀從亦不崇侈止曰儀衛無鹵簿  
名也南渡後尤簡其車以輿不以輦餘惟繖扇而已  
紹興奉迎太母極意備禮然猶曰太后天性朴素不  
敢過飭儀從器物惟塗金輿前用黃羅繖扇二緋黃  
繡雉扇六紅黃緋金拂扇二黃羅暖扇二朝謁景靈  
宮太廟則用禁衛諸班直天武親從五百人其前引  
中道園子同上皇儀衛而差省焉

皇太妃出入儀衛哲宗紹聖元年三省樞密院言增  
崇皇太妃出入儀衛龍鳳扇二十侍從官入內省都

知或押班一員內侍省都知或押班一員皇城司御藥院內東門司各一員帶御器械內侍八員引喝內侍一員殿前指揮使三十二人內人員二人御龍直三十三人骨孕子直三十三人弓箭直二十三人弩直二十三人天武官一百五十四人皇城司禁衛一百人入內院子五十人行官司一百人輦官供御六十二人次供御四十九人下都五十八人燭籠七十諸司御燎子茶牀快行親從四人禮部太常寺又言元祐三年詔皇太妃繖用紅黃羅參議得皇太后出人兼用紅黃今皇太妃若亦用黃則非差降之意伏

請紅黃兼用從皇太后出入則止用紅徽宗崇寧元年臣僚言元符皇后先帝皇后也其典禮宜極褒崇於是酌聖瑞皇太妃之制出入由宣德正門增龍鳳扇二十御龍直十二人御龍骨孕子直十七人御龍弓箭直十二人御龍弩直二十二人殿前指揮十三人皇城司禁衛二十人快行親從官四人執燭皇城司親從官金銅車并輦車隨時定數供須行幸藥架一坐句當官吏人二員封題一員藥童三人檯檠藥架輦官十一人秤庫子親事官量差人數祇應從之二年臣僚又言元符皇后元符未嘗預定策之勲以

承神宗哲宗之志禮部太常寺奏典禮準聖瑞皇太妃例侍從官入內內侍省都知或押班一員皇城御藥內東門司官各一員御輦院輪官隨從諸司御燎子茶牀帶御器械內侍十人引喝內侍一人輿用龍鳳繖紅黃兼用出入由宣德東門今欲出入由宣德正門龍鳳扇二十柄今添作三十柄輦官供御六十二人次供御四十九人都下五十八人御龍直三十人今添作四十五人御龍骨孕子直三十三人今添作五十五人御龍弓箭直三十三人今添作四十五人御龍弩直二十三人今添作四十五人殿前指揮

三十二人今添作四十五人內臣二人皇城司一百人禁衛今添作一百二十人天武官一百五十四人行官司一百人入內院子五十人快行親從官四人今添作八人執燭皇城司親從官金銅車并樓車逐時內中世出合要數供須行幸藥架一坐句當官一員吏人二員封題一員藥童三人檯檠藥架輦官十人秤庫子親事官量差人數祇應從之

皇后儀衛惟東都政和禮有鹵簿他無鹵簿之名惟曰儀衛而已中興後皇太后既尚簡素后尤簡焉出入朝謁宮廟用應奉御輦官一員人吏三人供應六

十三人內人員十五人頭帽紫羅四袂單衫金塗銀  
柘枝腰帶肩擎輦官四十八人幘頭緋羅單衫金塗  
海捷腰帶紫羅表夾三檐緋羅看帶次供應十四人  
內人員一人服同上惟海捷帶輦官一十三人服同  
肩擎官惟行獅帶都下五十四人內人員一人帽服  
同前輦官五十三人服同上輦官惟雲鶴帶

志卷第九十七

志卷第九十八

宋史一百四十五

開府儀同三司柱國錄軍國重事留書丞相髮鬣更須經筵事都總裁臣脫脫等奉  
敕修

儀衛三 國初鹵簿

國初鹵簿太祖建隆四年將郊祀大禮使范質與鹵  
簿使張昭儀仗使劉温叟同詳定大駕鹵簿之制惟  
得唐長興南郊鹵簿字圖校以今文頗有闕略遠戾  
者禮儀使陶穀建議金吾及諸衛將軍導駕及押仗  
舊服紫衣請依開元禮各服本色繡袍金吾以辟邪  
左右衛以瑞馬驍衛以雕虎威衛以赤豹武衛以瑞

鷹領軍衛以白澤監門衛以師子千牛衛以犀牛六  
軍以孔雀爲文舊執仗軍士悉衣五色畫衣隨人數  
給之無有準式請以五行相生之色爲次黑衣先之  
青衣次之赤黃白又次之大駕五輅各有副車近代  
寔廢請依令又增造又案明宗舊圖導駕三引而儀  
仗法物人數多周太祖鹵簿六引而人數少請準令  
文用六引其鹵簿各依本品以給從之舊清游隊有  
甲騎具裝亡其制度穀以其所記造之又作大輦皆  
率意定其制穀又取天文大角攝提列星之象作攝  
提旗及北斗旗二十八宿旗十二辰旗龍墀十三旗

衣導引太宗至道中今有司以絹畫爲圖圖凡三幅  
中幅車輅六引及導駕官外兩幅儀衛其警場青城又  
別爲圖圖成以藏秘閣凡仗內自行事官排列職掌  
并捧日奉宸散手天武外步騎一萬九千一百九十八  
人此極盛也真宗咸平五年詔南郊儀仗引駕官不  
得多帶從人宰臣親王樞密宣徽使叅知政事樞密  
副使三司使各四人尚書節度使翰林學士侍讀侍  
講學士各三人給事諫議知制誥大卿監金吾大將  
軍樞密都承旨副承旨客省閤門使副使諸司使副  
使至內殿崇班各二人少卿監諸行郎中已下閤門

祇候已下各一人又詔南郊引駕官中書樞密院一行在東親王一行在西餘依官次大中祥符元年改小駕爲鸞駕自太祖易繡衣鹵簿後太宗真宗皆增益之仁宗卽位議典多襲前世宋綬定鹵簿爲圖記十卷上之詔以付秘閣凡大駕用二萬六十一人大率以太僕寺主車輅殿中省主輿輦繖扇御馬金吾主纛稍十六騎引駕細仗牙門六軍主槍仗尚書兵部主六引諸隊大角五牛旗門下省主寶按司天臺主鐘漏太常主鼓吹朝服法物庫出旗器名物衣冠蓋軍器庫出箛弩矢內弓箭庫出戎裝雜仗凡六

引導駕太僕卿千牛將軍殿中侍御史司天監少府監僚佐局官乘黃令大將軍金吾上將軍將軍六統軍皆以京朝官內諸司使副使以下攝事仗內用禁軍諸班直捧日天武拱聖神勇宣武驍騎武勝寧朔虎翼兵大將軍將軍以軍主都虞候攝中即將即將都尉以指揮使副指揮使攝校尉主帥旅帥隊正以軍使副兵馬使都頭副都頭十將攝餘法駕鸞駕黃麾仗則遞減其數景祐五年賈昌朝言儀衛三事一口南郊鹵簿車駕出宮詣郊廟日執毬杖供俸官於導駕官前分列迎引至於齊宮夫毬杖非古蓋唐世

尚之以資玩樂其執之者皆褻服錦繡珠玉過於侈  
麗既不足以昭文物又不可以備軍容常時豫將或  
宜施用方今夙夜齋戒親奉大祀端冕顛昂鼓吹不  
作而乃陳戲賞之具參贊紳之列導迎法駕入于祠  
宮稽諸典儀未爲允稱况導駕官兩省員數悉備何  
煩更有此色供奉官謂宜徹去毬杖俟禮畢還宮鼓  
吹振作即復使執列二曰大駕鹵簿有羊車前列臣  
案羊車本漢晉之代乘於後宮隋大業中增金寶之  
飾駕以小駟馭以非童自是以來遂爲法從唐制兼  
有輦車副車之名國朝因循尚未改革竊以郊祭天

地廟見祖宗車服所陳動必由禮至於四望耕根之  
屬兼包歷代皆或有因豈容後宮所乘參陪五輅欲  
望大駕不用羊車所冀肅恭稽合典禮三曰南郊大  
駕鹵簿儀衛甚衆有司雖依典禮名物次第兵杖數  
目預先分布及五使量行案閱其如被差執掌吏員  
兵伍素不閑習行列先後多失次序所持名物亦或  
差互押當官但以行事爲名從便趨進失其處守竊  
謂三載親郊國之大事旁陳象物仰法乾行四方之  
人觀禮於是宜詳制度以示光華請大駕鹵簿前後  
仗衛次第於致齋前命儀仗鹵簿使令有司執簿籍

率押當官暨諸衛諸有執仗士卒將領者自殿門至郊廟分列之處詳視先後及罷仗名品無令差忒詔禮儀使宋綬與太常禮院同詳定以奏綬奏鹵簿內有諸司供奉蓋資備物以奉乘輿今昌朝言宿齋之時不可陳玩樂之具請郊祀前一日應供奉官等令宿幕次俟皇帝行禮畢降壇導至青城由青城前導歸大內後漢劉熙釋名曰羸車羊車各以所駕名之也隋禮儀志曰漢氏或以人牽或駕呆下馬此乃漢代已有晉武偶取乘於後宮非特爲掖建制也况歷代載於輿衛志自唐至今著之禮令宜且仍舊其鹵

簿儀仗遇南郊前五使預閱素備願依昌朝所奏下儀仗鹵簿使加點閱使之齊肅皇祐二年將享明堂鹵簿使奏法駕減大駕三分之一而兵部亡字圖故本且文牘散逸雖粗有名數較之禮令未有以裁其中詔禮官與兵部加考正爲圖以奏及上圖法駕鹵簿用萬有一千八十八人嘉祐二年裕享用禮儀使奏南郊仗金吾上將軍六統軍左右千牛皆服紫繡戎服珂珮騎而前節度使亦衣袴褶導駕如舊例是月禮官奏南郊還在禮當乘金輅而或詔乘大輦宜著于令常以大輦從六年幸睦親宅內侍抱駕頭墮

馬駕頭壞御史中丞韓絳奏請嚴儀衛事下閣門太常禮院議遂合奏車駕出請以閣門祗候及內侍各二員扶駕頭左右次扇篋又以皇城親從兵二十人從其後神宗熙寧七年詔太常看詳兵部大駕鹵簿字圖遂奏言制器尚象有其數者必有其義後世車駕儀仗多雜秦漢制度當革其尤者周禮車僕凡師共革車各以其萃萃副車也諸輅之副宜次正輅羊車前代官中所乘五牛旗蓋古之五時副車也以木牛載旗用人輿之失其本制宜除去從之元豐元年詳定所言大駕輿輦仗衛儀物兼取歷代所用其間

情文訛舛甚衆或規摹苟簡而因循已久或事出一時而不足爲法詔令更定於是請去二十八宿五星攝提旗所繪人形及龍虎仙童大神金鸚鵡黃鸚鵡網子騰蛇神龜等旗舊制親祠南郊皇帝自大次至版位內侍二人執翟羽前導號曰拂翟拂翟不出禮典乃漢乾祐中官中導從之物不宜用諸郊廟詔可又禮之所言近制金輅不以金飾諸末象輅不以象飾諸末革輅不鞞木輅不漆請改飾四輅太常則繪三辰加升龍降龍大旂則繪交龍大赤鳥準大白熊虎大麾龜蛇而去其雲龍使之應禮又古者五輅皆載

旗謂之道德之車考工記車戟崇於笄酋矛崇於戟各四赤戟矛皆插車騎謂之兵車戰國尚武故增插四戟謂之闕戟則知德車武車固異用矣漢鹵簿前驅有鳳凰闕戟猶未施於五輅江左以來五輅乃加祭戟於車之右韜以黼繡之衣後周司輅左建旗右建闕戟闕戟方六尺而被之以黼皆戾於古請去五輅闕戟以應道德之稱而建太常於車後之中央升輅則由左又按周禮大馭掌馭玉輅以祀則祀乘玉輅也齋僕掌馭金輅齋右充金輅之右則齋乘金輅也齋祀之車異用而不相因國朝親祠太廟致齋文

德殿翌日即進玉輅非制請進金輅俟太廟祠畢翌日御玉輅詣郊又周禮戎右職曰會同充革車儀禮曰貳車畢乘禮記曰乘君之乘車不敢曠左右必式蓋古者後車餘輅不敢曠空必使人乘之所以別曠左之嫌也自秦兼九國車服西漢因之大駕屬車八十一乘後漢志云尚書御史所載楊雄曰鴟夷國器託於屬車則是漢之屬車非獨載人又以載物亦儀禮所謂畢乘之義也國朝鹵簿車十二乘虛設於法駕之後實近曠左之嫌請令尚書御史乘之或以載乘輿服御又言法駕之行必有共輿者蓋以承清問

周官有太僕齋僕道僕所以御車至參乘則其禮益重故道德之車則有齋右道右武車則有戎右皆以士大夫爲之國朝之制乘輿有太僕而無參乘請增近臣一員立車右其後詔增製五輅及參乘玉輅建太常金輅建大旂象輅建大赤革輅建大白木輅建大麾諸輅之副各次正輅仍存闕戟焉時大駕鹵簿仗下官一百四十六員執仗押引從軍員職掌諸軍諸司二萬二千二百二十一人初玉輅自唐顯慶中傅之號顯慶輅神宗更製新玉輅六年正月御大慶殿受朝先夕陳諸庭夜半徹幕室壓焉自是竟乘舊

輅徽宗建中靖國元年太常寺狀具南郊儀仗人兵二萬一千五百七十五人政和四年禮制局言鹵簿六引儀仗信幡承以雙龍大角黑漆畫龍紫繡龍袋長鳴次鳴大小橫吹五色衣幡緋掌畫交龍按樂令三品以上緋掌畫蹲豹蓋唯乘輿器用並飾以龍今六引內係羣臣鹵簿而旗物通畫交龍非便合釐正七年兵部尚書蔣猷請令有司取天聖鹵簿圖記更加考正可否而因革之詔如其請宣和元年蔡攸被旨改修凡人物器服盡從古制飾以丹采三十有三

卷

崇禎三年春

身史志卷九十八

九十八

高宗初至南京孟太后以乘輿服御及御輦儀仗來進建炎初詔東京所屬起發祭器法服儀仗赴行在所十一月節郊於揚州儀仗用一千三百五十五人倉卒渡江皆爲金兵所焚紹興十二年有司王知子起居當備法駕況太母回鑾將奉郊迎遂立工部尚書莫將等檢會本朝文德大慶殿舊儀下太常定用二千二百六十五人於是始備黃麾仗慶冊親饗皆用焉是年冬玉輅成明年郊準國初大駕之數一萬二千二百二十二人內舊用錦機子者以纈繒伐用銅革帶者以勒帛代而指捥使都頭仍舊用錦大纓

子錦臂袖者以方勝練鵲羅代用纈者以袖代禁衛班直服色用錦繡金銀真珠北珠者七百八十人以頭帽銀帶纈羅衫代旗物用繡者以錯采代車路院香鐙案衣褥睥睨御輦院華蓋曲蓋及仗內幢角等袋用繡者以生色代殿前司仗內金鎗銀鎗旗榦易以繡飾而拂扇坐褥以珠飾者去之帝曰事天貴質若惟事華麗非初意矣十月鹵簿器物及金象革木四輅大安輦皆成太常又奏前後六引鼓吹八百八十四人舊制騎今路狹擁遏欲止令步導從之十六年始增捧日奉宸隊合一萬五千五十人鹵簿之制

備矣二十一年九月行明堂禮儀物視郊祀省三之一用一萬一十五人孝宗隆興二年正月以鹵簿勞民乃令有司條奏其可省者次年郊祀止用六千八百八十九人蓋減紹興二十八年人數之半也乾道六年之郊雖仍備五輅大安輦六象而人數則如舊焉自後終宋之世雖微有因革大抵皆如乾道六年之制若明堂則四路大安輦皆省止用三千三百十九人故事祀前二日詣景靈宮皆備大駕儀仗乘輅中興後以行都與東都不同前二日止乘輦次日自太廟詣青城始登輅設鹵簿自紹興十三年始也車

駕遇雨玉輅施障從駕臣僚賜雨具中道遇晴則撤郊壇遇雨則就青城放御仗逍遙子還宮導駕官免步導

大駕鹵簿象六中道分左右次六引中道第一開封令第二開封牧駕從餘州縣出者所在第三太常卿第

四司徒第五御史大夫第六兵部尚書以上各用本品鹵簿次燾十二每燾一人持一人托次爆稍騎八揮衛四人左右金

吾上將軍四人將軍四人大將軍各一人折衝都尉一人大將軍都尉並夾以爆稍二每次清游隊左右白澤

旗二一人執二人外二人夾左右金五口折御都尉各一人領弩八弓箭三十二稍

四十次左右金吾十六騎

左右道主帥各一人分領

弩八弓箭十

二稍十二次夾道飲飛騎

左右金吾果毅都尉各二人分領

虞候飲

飛四十八人鐵甲飲飛二十四人次前隊及仗

左右道

左右領軍衛將軍各一人爆稍四人主帥四人及八

十義八十相間左右武衛屯衛主帥各四人及五各十

人義各五十人左右驍衛主帥四人及四十義四十次

朱雀旗一

中道一人持二人引二人夾

弩四弓箭十六次龍旗十

中道並一人執二人引二人護後副竿

風伯雨師

旗各一雷公電母旗各一木火土金星旗各一左

右攝提旗各一北斗旗一次指南記里鼓白鷺鷥旗

崇德皮軒車

左右金吾衛果毅都尉各一人來往檢校

次引駕十二里

中道

並

弩八弓箭八稍八次太常前部鼓吹令二人

府史四人

從

柶鼓十二在左

主帥四人騎領

金鉦十二在右

主帥四人騎領

大

鼓百二十

主帥二十人騎領

長鳴百二十

主帥六人騎領

鏡鼓十二

四大橫吹百二十

主帥十人騎領

節鼓二笛二十四簫二十

四大橫吹百二十四笳二十四桃皮感籥二十四柶鼓十

二在左

主帥二人騎領

金鉦十二在右

主帥二人騎領

小鼓百二十

中鳴百二十

主帥六人騎領

羽葆鼓十二

主帥四人騎領

二十四拱宸管二十四簫二十四笳二十四次司天

監一人騎引相風刻漏中道令史一人排相風鳥輿

一匠人交龍鉦鼓各一司晨典事各一人騎從鐘樓鼓樓各一

行漏輿一漏刻生四人從清道二人十二神輿一司天官一人押次

持釵前隊中道左右武衛果毅都尉各一人分領校尉

二人絳引幡一金節十二罕一在左單一在右朱雀

幢一义一青龍白虎幢各一分左右义各導蓋一义

稱長一人釵戟二百八十人分左右左右武衛將軍

各一人校尉四人分左右次殿中侍御史二人黃麾

一騎次前部馬隊左右第一隊角宿亢宿斗宿牛

宿旗各一執次銅龍捍旗角立在此左右金吾衛折衝

都尉各一人分領弩十弓箭二十稍四十並分左右餘隊皆同

第二隊氏宿房宿女宿虛宿旗各一左右領軍衛果

毅都尉各三人分領兼第三隊第三隊心宿危宿旗各

一第四隊尾宿室宿旗各一第五隊箕宿壁宿旗各

一左右領軍衛折衝都尉各一人分領第六隊奎宿

井宿旗各一左右屯衛折衝都尉各一人分領第七

隊婁宿鬼宿旗各一左右武衛果毅都尉各三人分

領兼第八隊第八隊胃宿柳宿旗各一第九隊昴宿星

宿旗各一第十隊畢宿張宿旗各一左右驍衛折衝

都尉各三人分領兼第十一隊第十一隊觜宿翼宿旗

萬曆二十五年補刊

各一第十二隊參宿軫宿旗各一次步甲前隊左右道

爆稍四左右領軍衛將軍各一人檢校第一隊鷓鴣

旗二引執同馬隊左右領軍衛折衝都尉各一人分領赤

鍪甲弓箭六十第二隊貔旗二左右領軍衛果毅都

尉各一人分領赤鍪甲刀盾六十第三隊玉馬旗二

左右領軍衛折衝都尉各一人分領青鍪甲弓箭六

十第四隊三角獸旗二左右領軍衛果毅都尉各一

人分領青鍪甲刀盾六十第五隊黃鹿旗二左右屯

衛折衝都尉各一人分領黑鍪甲弓箭六十第六隊

飛麟旗二左右屯衛果毅都尉各一人分領黑鍪甲

刀盾六十第七隊駃騠旗二左右武衛折衝都尉各

一人分領白鍪甲弓箭六十第八隊鸞旗二左右武

衛果毅都尉各一人分領白鍪甲刀盾六十第九隊

麟旗二左右驍衛折衝都尉各一人分領黃鍪甲弓箭

六十第十隊馴象旗二左右驍衛果毅都尉各一人

分領黃鍪甲刀盾六十第十一隊玉兔旗二左右衛折

衝都尉各一人分領黃鍪甲弓箭六十第十二隊辟

邪旗二左右衛果毅都尉各一人分領黃鍪甲刀盾

六十次前部黃麾仗左右道絳引幡二十第一部左右

領軍衛大將軍各一人檢校兼檢校第一部折衝都尉各一

人分領主帥二人龍頭竿赤氅二十揭鼓二儀鎗五色幢  
 二十龍頭竿小孔雀氅二十小戟二十揭鼓二龍頭  
 竿五色鵝毛氅二十弓箭二十龍頭雞毛氅二十朱  
 滕盾二十龍頭竿繡氅二十弓箭二十稍二十揭鼓  
 二綠滕盾二十第二部左右領軍衛折衝都尉各一  
 人分領主帥及氅綬第一第三部左右屯衛大將軍  
 各一人檢校果毅都尉各一人分領第四部左右武  
 衛大將軍各一人檢校折衝都尉各一人分領第五  
 部左右驍衛大將軍各一人檢校兼檢校第六部折  
 領第六部左右衛果毅都尉各一人分領次六軍儀

仗中道在殿中黃麾後左右神武軍統軍各一人本軍旗二人

執頭各一人引二人夾都頭各一人騎押吏兵力士旗各五白幹槍五十柯

舒十鎧仗八問相排闌旗二十掩尾天馬旗二左右羽

林軍左右龍武軍並同神武軍惟羽林用赤豹黃熊旗各五龍武用龍君

各五虎君旗次引駕旗十六中道執人十二辰旗各一天

王旗四排伏通直官次龍墀旗十三中道各一人執

排仗將二人騎領天下太平旗一青龍赤龍黃龍白龍黑龍

旗各一金鸞金鳳旗各一獅子旗一日旗月旗各一

君王萬歲旗一次御馬二十四匹中道並以天武尚

乘奉御二人從次日月合璧旗一次苜蓿文旗二次五

星連珠旗一次祥雲旗二以上並一人執二人引次

長壽幢一次青龍白虎旗各一道左右左右衛果毅都

尉各一人分領七十騎弩八弓箭二十二稍四十次

班劔儀刀隊道左右左右衛將軍各一人親衛郎將各

二人班劔二百二十為第一第二行勳衛郎將各二

人班劔二百二十為第三第四行翊衛郎將各三人

儀刀三百七十八為第五第六第七行左右驍衛翊

衛郎將各一人儀刀一百二十四為第八行左右武

衛翊衛郎將各一人儀刀一百三十八為第九行左

右屯衛翊衛郎將各一人儀刀一百四十二為第十

行左右領軍衛翊衛郎將各一人儀刀一百四十六

為第十一行左右金吾衛翊衛郎將各一人儀刀一

百五十為第十二行次五仗道左右左右衛供奉中郎

將各二人親勳翊衛各二十四人左右衛郎將各一

人散手翊衛各三十人左右驍衛郎將各一人翊衛

各二十八人次左右驍衛翊衛三隊第一隊花鳳旗

二大將軍各一人弩十弓箭二十稍四十第二隊飛

黃旗二將軍各一人弩弓箭稍同第一隊下準此第三隊吉利旗

二郎將各一人次金吾細仗殿中繖扇千牛進青龍

白虎旗各一騎一人執三人引五嶽神旗各一五方神

嘉靖丙辰年

卷九十八

旗各一五方龍旗二十五五方鳳旗二十五四瀆神

旗各一各一人執二人引二人夾四援寶三十二人

香案一符寶郎一人寶案一寶輿一輿上十人碧欄一

十四人騎內十四人執儀刀方纛二雉扇四四色官六人押

仗二人金甲天武官二人進馬四人千牛將軍一人

千牛八人中郎將二人長史二人引駕官四人天武

官三百人次毬仗供奉官一百人次左右衛夾轂隊

左右道第一第四隊朱鑿甲刀盾各六十折衝都尉各

一人檢校第二第五隊白鑿甲刀盾各六十果毅都

尉各一人檢校第三第六隊黑鑿甲刀盾各六十果

毅都尉各一人檢校次捧日奉宸隊左右道捧日三十

五隊隊四十人騎奉宸二十五隊隊四十人金五重相間

次導駕官中道通事舍人八人分左右侍御史二人分左

右御史中丞二人分左右正言二人分左右司諫二

人分左右起居郎二人在左起居舍人二人在右諫

議大夫四人分左右給事中四人在左中書舍人六

人在右散騎四人分左右門下侍郎二人在左中書

侍郎二人在右侍中二人在左中書令二人在右次

鳴鞭二道中道次宮苑馬二道中道次殿中省仗大纛二方雉

尾扇四響輿一排列官一人騎領小雉尾扇四方雉尾扇十

嘉靖丙辰年

二華蓋二香燈一次誕馬二玉輅皇帝升輅則太僕

二人夾輅將軍二人陪乘次諸司隨駕供奉次大輦

前有誕馬二教馬官二人掌輦四人導尚輦殿中少監二人騎本省供奉次御

馬二十四並以天武官二人執轡次持釵後隊道中左

右武衛旅帥各一人大繖二大雉尾大雉尾扇四小

雉尾扇十二朱團扇十二華蓋二又啤睨十二御刀

六玄武幢一又絳麾二細稍十二次大角百二十左右

金吾果毅都尉次後部鼓吹丞二人騎典事

各一人騎從從羽葆鼓十二主帥四歌二十四拱宸管二十四簫

二十四笳二十四主帥二鈇鼓十二主帥四歌二十

四簫二十四笳二十四小橫吹百二十主帥八笛二

十四簫二十四膚篳二十四笳一十四桃皮膚篳二

十四次黃麾幡二騎二殿中侍御史二人騎令史四

次芳亭輦一鳳輦一小輿一尚輦直長二人騎檢校

書令史四人次五牛旗輿各一左右屯衛隊正各一人

騎檢校並執銀次乘黃令丞二人府史四次金象革

木輅次五副輅次耕根車次進賢明遠羊車次屬車

十二次中書門下祕書殿中省局官各一騎次黃鉞

豹尾車次後部黃麾仗左右道與殿第一部左右驍

衛將軍各一人檢校折衝都尉各一人分領主帥驍

鎧等並

萬曆二十五年補刊

同前部下等二部左右武衛將軍各一人檢校折衝

都尉各一人分領第三部左右屯衛將軍各一人檢

校折衝都尉各一人分領第四部左右領軍衛折衝

都尉各一人分領第五部左右驍衛折衝都尉各一

人分領第六部左右驍衛折衝都尉各一人分領絳

引幡二十護後主帥二十人次步甲後隊左右道第一

隊貔旗二執引並同前左右衛果毅都尉各一人分領甲

隊弓盾同前第二隊鷓鴣旗二左右衛折衝都尉各一

人分領前隊第十第三隊仙鹿旗二左右驍衛果

毅都尉各一人分領前隊第十第四隊金鸚鵡旗

二左右驍衛折衝都尉各一人分領前隊第九第

五隊瑞麥旗二左右武衛果毅都尉各一人分領甲

隊刀盾同前第六隊孔雀旗二左右武衛所衝都尉各

一人分領前隊第七第七隊野馬旗二左右屯衛

果毅都尉各一人分領前隊第六第八隊犛牛旗

二左右屯衛折衝都尉各一人分領前隊第五第

九隊甘露旗二左右領軍衛果毅都尉各一人分領

前隊第四第十隊網子旗二左右領軍衛折衝都

尉各一人分領前隊第三第十一隊鷓鴣旗二左

右領軍衛果毅都尉各一人分領前隊第二第十

二左右驍衛折衝都尉各一人分領前隊第九第

五隊瑞麥旗二左右武衛果毅都尉各一人分領甲

隊刀盾同前第六隊孔雀旗二左右武衛所衝都尉各

萬曆三十七年刊

二隊貔旗二左右領軍衛折衝都尉各一人分領

弓箭同前次後部馬隊左右第一隊角端旗二左

衛折衝都尉各二人分領兼第二第十隊每隊弩弓箭稍並同前隊第二

隊赤熊旗二第三隊兕旗二左右驍衛果毅都尉各

三人分領兼第四隊太常旗二第五隊馴象旗二

左右武衛折衝都尉各一人分領兼第六第七隊第六隊鷄

鷄旗二第七隊驪騶旗二第八隊騶牙旗二左右屯

衛果毅都尉各二人分領第九隊蒼烏旗二第十隊

白狼旗二第十一隊龍馬旗二左右領軍折衝都尉

各二人分領第十二隊金牛旗二次後隊仗

左右領軍衛主帥四人及八十義八十左右武衛主

帥四人及五十義五十左右屯衛驍衛主帥各四人

及四十義四十次掩後隊中左右屯衛折衝都尉各

一人大戟五十刀盾五十弓箭五十稍五十次真武

隊中金吾折衝都尉一人仙童騰蛇真武神龜旗各

一十人執二人稍二十五弓箭二十弩五

車駕至青城則周衛行宮及壇内外其青城坐甲布

列三百三十六鋪殿前指揮使二十四鋪四百七十

一人内殿直一十鋪一百四十一人散員一十鋪一

百四十二人散指揮一十鋪一百四十一人散都頭

一十鋪一百四十三人散祗候一十鋪一百四十人  
金槍一十鋪一百五十人銀槍一十鋪一百五十人  
東第一班三鋪五十二人東第二班三鋪五十三人  
東第三班六鋪九十一人東第四班五鋪八十四人  
東第五班二鋪二十二人下茶酒班一鋪三十一人  
散直一十鋪一百四十九人鈞容直一十鋪二百人  
御龍直二十二鋪三百八十五人御龍骨朶子直一  
十二鋪二百一十二人御龍弓箭直一十八鋪二百  
九十六人御龍弓直一十二鋪二百五十六人把天  
門天武一鋪八人駕頭扇箠天武一鋪三十二人禁

衛天武六鋪三百一十人約欄天武三十鋪三百一  
十人方圍子親從三十四鋪三百六十人禁衛崇政  
殿親從四十鋪并提舉人員共四百六十三人行宮  
司親從一十二鋪一百八十人快行親從四鋪八十  
六人行宮殿門崇政殿親從四十六人行宮殿門親  
從并提舉人員二百四十人把街約欄親事官貼諸  
處齣門一十隊及提舉人員一百三人殿前指揮使  
已下看守馬火甲隊一千一百七十一人右禁衛諸  
路共六千七百二十有四人園壇東門外中道夾立  
御龍直主首引駕人員九人御龍四直門旗六十人

親從仗劔六人天武把門長行八人大次前外圍親從四隊三十八人執燭親從八十六人行宮殿門一十二人御龍直四十大次後把街約欄執事官五十一人大次兩壁快行六十九人於禁衛外排立壇周圍守踏道裏圍親從十將節級二十二人壇從裏第二重方圍親從三百二十四人大次及外壇外諸門行宮司共一百六十人宮架及壇東幄幕宰臣百官幕次共六十人右自大次前外圍至百官幕次共八百六十二人凡詣小次行禮不須隨從大次前裏圍并欄前一百七十一人執燭一百二十九人外圍

一百八十人行宮門及快行二十四人

右自裏圍至行宮快行共

五百人

凡諸小次行禮隨從祇應圓壇從外壇外分作

九重從中第一重殿前指揮使等七百四十四人第

二重御龍直等六百九十五人第三重散員等六百

四十二人第四重散都頭等七百一十人第五重天

武骨朶大劔約欄五百八十一人第六重御營四面

巡檢下步軍八百六十七人第七重御營四面并青

城圓壇巡檢下步軍八百六十七人第八重御營四

面巡檢下馬軍四百三十四人第九重御營四面巡

檢及青城圓壇巡檢下馬軍四百三十四人壇四門

殿前指揮使行門三十五人內人員一十五人壇東

門夾立擊鞭長行一十人

右自青城圓壇諸班親從文武及御營圓壇文檢下

總七千四百六十七人

駕至太廟環衛如郊壇坐甲布列二百

六十三鋪殿前指揮使二十四鋪四百七十七人內

殿直散員散指揮散都頭散祇候散直各一十鋪一

百二十人共六十鋪七百二十人金槍一十鋪一百

五十人銀槍一十鋪一百五十人東第一第二班各

二鋪三十人共四鋪六十人東第三第四班各四鋪

六十人共八鋪一百二十人東第五班二鋪二十二

人下茶酒班一鋪三十一人御龍直八鋪三百八十

五人御龍骨朶子直四鋪二百一十二人御龍弓箭

直六鋪二百九十六人御龍弩直八鋪三百五十六

人把行門天武一鋪八人駕頭扇箴天武一鋪三十

二人禁衛天武六鋪三百一十人禁衛崇政殿親從

四十鋪并提舉人員共四百六十三人行宮司親從

一十二鋪一百八十人快行親從四鋪八十六人方

圍親從二十四鋪三百六十人約欄天武三十鋪三

百一十人行宮殿門崇政殿親從及提舉人員二百

八十六人把街約欄親事官貼諸處齧門一十二隊

并提舉人員一百三人御營四面巡檢六員下步軍

九百一十八人親從四十人青城內至園壇巡檢下親從四十人右禁衛諸班直等御營四面巡檢軍兵及青城至園壇巡檢下親從總六千一百四十五人

左山商氏家藏宋人青城園壇太廟三圖其布置行列極爲詳備因附鹵簿之後庶覽之者可以考一代

之制

凡鹵簿內牙門旗中道四分二門左右道各十分五門中道一門在金吾細仗前一門在掩後隊後左右廂第一門在步甲前隊第六後第一門在前部黃麾仗前第三人在後部黃麾仗前第四門在黃麾仗後第五門在步甲後隊第六後每旗二人執四人夾並

騎分左右每門監門校尉六人領又大駕郊祀籍田薦獻玉清昭應景靈宮用之迎奉聖像亦用大駕惟不設象及六引導駕官法駕減太常卿司徒兵部尚書白鷺崇德車大輦五副輅進賢明遠車又減屬車四餘並三分減一泰山下汾陰行禮明堂大慶殿恭謝用之凡一萬一千八十八人鸞駕又減縣令州牧御史大夫指南記里鸞旗皮軒車象輅革輅木輅耕根車羊車黃鉞車豹尾車屬車小輦小輿餘並減半朝陵迎泰山天書東封西祀朝謁太清宮奏告玉清昭靈宮奉迎刻玉天書躬謝太廟皆用之鸞駕舊用

二十人大中祥符五年真宗告太廟增至七千人兵部黃麾仗用太常鼓吹太僕寺金玉輅殿中省大輦其制無定然皆減於小駕御樓車駕親征或省方還京迎禁中天書五嶽上冊建安軍迎奉聖像太廟上冊皆用之

志卷第九十八

志卷第九十九

宋史一百四十六

開府儀同三司在國錄軍國重事前中書右丞相監修國史領經筵事都總裁是脫等奉

勅

儀衛四

政和大駕鹵簿并宣和增減小駕附

政和大駕鹵簿象六分左右次六引開封令開封牧

大司樂少傅御史大夫兵部尚書

各用本部鹵簿

次金吾纛

稍左右阜纛各六

執托各一人

押衙四人

並 爆稍八

執各

一本衛上將軍將軍各四人本衛大將軍二人

並 爆

稍四夾大將軍

執各一人 夾

法駕爆稍減二本衛上

將軍將軍各減三人次朱雀旗隊

並

金吾衛折衝都

尉一人引隊爆稍二夾都尉執旗一人引夾各二人凡仗內引夾執人數準

此弩四弓矢十六稍二十左右金吾衛果毅都尉二

人押隊法駕弩減二弓矢減六稍減八宣和引隊改

天武都指揮使押隊改天武指揮使次龍旗隊大將

軍一員檢校騎引旗十二人並風伯雨師雷公電母

旗各一五星旗五左右攝提旗二北斗旗一護旗十

二人副竿二執人並騎法駕引旗護旗人各減四宣和檢

校改左右衛大將軍雷公電母旗去公母二字次指

南記里鼓車各一駕馬各四駕士各三十人白鷺鸞

旗崇德皮軒車各二駕士各十八人法駕無白鷺崇德

車宣和有青旌青雀鳴鳶飛鴻虎皮貔貅六車在記

里鼓之下崇德之前減白鷺鸞旗皮軒三車駕士之

數如前次金吾引駕騎本尉果毅都尉二人儀刀弩

弓矢稍各減二宣和改都尉為神勇都指揮使次大晟

府前部鼓吹令二人府史四人管押指揮使一人摑

鼓金鈺各十二帥兵官八人領大鼓一百二十帥兵官二十人領長

鳴一百二十帥兵官六人領鐃鼓十二帥兵官四人領歌工拱宸管

簫笳各二十四大橫吹一百二十帥兵官十人領節鼓二笛

簫臤栗笳桃皮臤栗各二十四摑鼓金鈺二十二帥兵

官四人領小鼓中鳴各一百二十帥兵官八人領羽葆鼓十二帥兵

官四 歌工拱宸管簫笳各二十四法駕前後擗鼓金  
人領 鈺各減四大鼓減四十長鳴減四十鏡鼓減四拱宸  
管後簫笳各減八大橫吹減四十節鼓後笛簫鬲栗  
笳桃皮鬲篥各減八小鼓中鳴各減四十羽葆鼓減  
四最後簫笳各減八帥兵共減十八人次太史相風  
行漏等輿太史令及令史各一人並騎相風鳥輿一輿士  
四 交龍鈺鼓各一輿士各六人 司辰典士各一人並騎漏刻  
生四人鼓樓鐘樓行漏輿各一輿士各一百人 太史正一人  
清道二人十二神輿一輿士十四人 法駕行漏輿一輿士各四  
十 神輿一輿士多大駕二人 宣和鼓鐘樓並改為輿太史正

前有捧日副指揮使二人捧日節級十人神輿輿士  
增十次持鈸前隊左右武衛果毅都尉二人引隊左  
右武衛校尉二人絳引幡一新二人 左右有金節十二  
執人 罕單各一朱雀幢義導蓋青龍白虎幢各一義  
並騎 稱長一人鈸戟二百八十八左右武衛將軍  
二人檢校左右武衛校尉四人押隊法駕金節減四  
級戟減七十二宣和引隊改驍騎都指揮使武衛校  
尉改驍騎軍使增朱雀旗後之義一去龍虎旗後之  
義三檢校改用左右驍騎將軍次黃麾幡一執一人  
人 法駕前有殿中侍御史二員次六軍儀仗左右神

武軍左右羽林軍左右龍武軍各有統軍二員都頭

二人羽林又有節級二人押仗本軍旗各一排闌旗各二十合

有吏兵力士旗各五掩尾天馬旗二羽林有赤豹黃熊旗龍武有龍

君虎君白柯槍五十哥舒棒十鐙仗八法駕神武軍

減排闌旗十羽林龍武軍各減四吏兵力士旗減一

宣和統軍改軍將神武軍旗改熊虎排闌旗改平列

哥舒棒改戈戟鐙杖改矛戟羽林隊無節釵黃熊旗

改黃罷龍武旗改熊虎次引駕旗天王旗二排仗通

直官二人押旗十二辰旗各一法駕同次龍墀旗天

下太平旗一排仗大將二人夾旗五方龍旗各一金

鸞金鳳旗各二師子旗二君皇萬歲旗二日月旗各一法

駕減鸞鳳師子旗次御馬二十四控馬每匹天武二人

御馬直二人為十二重法駕減八為八重宣和御馬直改

為習馭次中道隊大將軍一員檢校法駕同宣和大

將軍改為左右驍衛大將軍次日月合璧旗一苜文

旗二五星連珠旗一祥雲旗二長壽旗二宣和苜文

改慶雲祥雲改祥光次金吾細仗青龍白虎旗各一

五嶽神旗五方神旗五方龍旗五方鳳旗各五已上執各

一人法駕五方龍鳳旗各減二宣和改校尉為使

臣五嶽神旗去神字次八寶鎮國神寶皇帝之寶皇

帝行寶皇帝信寶在左受命寶天子之寶天子行寶  
天子信寶在右為四重香案八各以二列於寶輿之  
前碧欄二十四人符寶郎行於碧欄之間法駕減碧  
欄八人宣和增引職掌二人香案職掌六人援衛傳  
喝親從一百人奉寶輦官每寶二十八人節級一人  
奉寶一十二人昇香案行馬執燭籠各四人持席褥  
油衣共三人香案寶輿各九燭籠二十六碧欄之數  
同前次方繖二大雉尾扇四夾執繖扇各一人以下準此法駕同  
次金吾四色官六人押仗二人法駕減押仗次金甲  
二人宣和改為銅甲次太僕寺進馬四人並次引駕

千牛衛上將軍一員千牛八人中郎將二人並乘千牛二

人並宣和引駕改為千牛衛大將軍中郎將改為捧日

都虞侯次長史二人並宣和無次金吾引駕官四人並

次導駕官執政以上人從六人待制諫議防禦使以上五人監察御史刺史諸衛將軍以上四人次繖

扇輿輦大繖二中雉尾扇四夾腰輿一小雉尾扇四夾

應奉人員一人十將將虞侯節級二人長行十六人排

列官二人中雉尾扇十二華蓋二執各香燈一執擎小輿

一應奉人逍遙平輦下逍遙子一應奉人十將將虞侯

十六人長行二十四人平輦一應奉人員七法駕排列官後中雉尾扇

減四宣和去小雉尾扇四腰輿一添管押人員二人

輿排列小輿一奉輿二十四人逍遙子改為逍遙輦奉

宮一人平輦一奉輦人同上後有小輿前又有大路一

六人駕馬六太僕卿御次駕前東第五班開道旗一皂纛

旗十二引駕六十二人鈞容直三百人引駕回五方

色龍旗五門旗四十御龍四直步執門旗六十天武

駕頭下一十二人茶酒班執從物一十一人御龍直

仗劍六人天武把行門八人麋旗一殿前班擊鞭一

十人簇輦龍旗八日月麟鳳旗四青白赤黑龍旗各

一御龍直四十人踏路馬二夾輅大將軍二員進輅

職掌二員部押二人教馬官二員法駕同宣和無鈞

容直開道旗內增押班一人殿侍二人皂纛旗十二

殿侍十人引駕人員二人長行六十人五方色吉字旗

殿侍三人管押十人門旗殿侍二人管押四十人义

八門旗六十御龍直一十二人骨朶直十二人御龍

弓箭直弩直各十八人御龍直仗劍六人執麋旗殿

侍二人管押龍旗人員二人都知副都知各一人執

骨朶殿侍十六人內大將軍改為千牛衛大將軍朝

步將軍二人朝服掌輦四人皇帝乘玉輅駕青馬六

駕士一百二十八人扶駕八人骨朶直一百三十四

人行門三十五人分左右陪乘將軍二員法駕同宣

萬曆二十五年刊

和駕士增爲二百三十四人次奉宸隊御龍直左廂  
骨朶子直右廂弓箭直弩直御龍四直並以逐班直  
所管人數列爲五重天武骨朶大劔三百一十人次  
駕後東第五班大黃龍旗一鈞容直三十一人扇篋  
下天武二十人茶酒班簇輦三十一人招箭班三十  
三人法駕同宣和止用黃龍旗餘並無次副玉輅一  
駕青馬六駕士四十人法駕無宣和駕士一百人內人  
員二人次大輦一掌輦四人應奉人員十二人十將將  
虞候節級共十人長行三百五十五人尚輦奉御二人殿  
中少監供奉職官二員令史四人書令史四人法駕同

宣和增奉輦爲九十人次太僕御馬二十四爲十二  
重法駕減八爲八重宣和無太僕次持釵後隊左右  
武衛旅帥二人法駕同宣和改爲神勇都指揮使次  
重輪旗二大繖二大雉尾扇四小雉尾扇朱團扇各  
十二華蓋二义二睥睨十二御刀六真武幢一絳麾  
二义一細稍十二法駕小雉尾扇朱團扇睥睨稍各  
減四華蓋減一御刀減二宣和真武幢改爲玄武次  
左右金吾衛果毅都尉二人並總領大角一百二十  
法駕減四十宣和改都尉爲驍騎都指揮使次大晟  
府後部鼓吹丞二人典事四人管轄指揮使一人羽

葆鼓十二

帥兵官領四人

歌工拱宸簫管笳各二十四

帥兵官領二人

人鏡鼓十二

帥兵官領四人

歌工簫笳各二十四小橫吹一

百二十

帥兵官領八人

笛簫觱篥笳桃皮觱篥各二十四法

駕羽葆鼓減四簫笳笛觱篥桃皮觱篥各減八鏡鼓

減四小橫吹減四十

帥兵官並減二人

宣和帥兵官改為天

武神勇宣武虎翼四都頭次黃麾

一

執紼人數同前部法駕亦同有

殿中侍御史二員在黃麾前

芳亭輦

一奉輦六人

鳳輦

一奉輦五人

法

駕去鳳輦宣和芳亭奉輦六十二人次金象革木四

輅並有副輅金輅踏路赤馬二正副各駕赤馬六駕

士六十人餘輅正副駕馬數同而色異象輅以赭白

革輅以駟木輅以黑駕士各四十人法駕前副輅宣

和駕馬之色又異金以駟象以赤革以赭白木以烏

駕士五百五十人副一百人管押人員各二人畊根

車一駕青馬六駕士四十人法駕同宣和無進賢車

一駕士二十四人明遠車一駕士四人法駕無宣和

各增駕馬四次屬車十二乘每乘駕牛三駕士十人

法駕減四乘宣和增衙官二人管押節級一人次門

下中書秘書殿中四省局官各二員法駕同次黃鉞

車豹尾車各一各駕赤馬二駕士十五人法駕除進

賢明遠車外並同宣和有黃鉞天武副都頭及神勇

副都頭各一次掩後隊左右威衛拆衝都尉二人領  
 隊大戟刀盾弓矢稍各五十法駕各減十六宣和押  
 隊改用宣武都指揮使二人次真武隊金吾衛拆衝  
 都尉一人爆稍二僊童旗一真武旗一騰蛇神龜旗  
 各一稍二十五弓矢二十弩五法駕稍減六弓矢減  
 五弩減一宣和改為玄武隊改真武為玄武又去僊  
 童龜蛇旗改都尉為虎翼都指揮使政和大駕外伏  
 清游隊次第六引外仗白澤旗二左右金吾衛拆衝  
 都尉一人弩八弓矢三十二稍四十法駕次第三引  
 外弩減二弓矢減八稍減十宣和改都尉為捧日都

指揮使左右金吾各十六騎帥兵官二人弩八弓矢  
 稍各十二法駕金吾騎及弓矢稍各減四宣和改金  
 吾為天武都頭次次飛隊左右金吾衛果毅都尉二  
 人分領並虞候次飛四十八人並鐵甲次飛二十四  
 人並甲法駕前減十八人後減八人宣和改金吾衛  
 為拱聖都指揮使改都尉為都指揮使次前隊受仗  
 左右領軍衛將軍二人檢校並爆稍四受文分五隊  
 第一一百六十人第二八十人第三一百人第四第  
 五各八十人逐隊有帥兵官左右領軍衛左右威衛  
 左右武衛左右驍衛左右衛各四人法駕受文第一

隊減六十第二第三各減三十第四第五各減二十  
宣和改檢校爲左右衛將軍領軍衛爲天武都頭威  
衛爲神勇都頭武衛爲宣武都頭驍衛爲虎翼都頭  
爰又第一隊減六十增第二隊至第五隊爲一百次  
後隊爰仗爰又分五隊第一第二八十人第三一百  
人第四八十人第五一百六十人帥兵官左右衛左  
右驍衛左右武衛左右威衛左右領軍衛凡前後隊  
爰仗前接中道北十旗後盡鹵簿後隊法駕爰又第  
一第二隊各減二十四第三第四各減三十第五減  
六十宣和爰又各一百天武神勇宣武虎翼廣勇都

頭次前部馬隊凡二十皆以都尉二人分領第一前  
左右金吾衛折衝領角亢斗牛宿旗四弩十弓矢二  
十稍四十第二氏房女虛宿旗四第三心危宿旗第  
四尾室宿旗各二以上四隊各以左右領軍衛果毅  
領第五箕壁宿旗第六奎井宿旗各二各以左右威  
衛折衝領第七婁鬼宿旗第八胃柳宿旗第九昂星  
宿旗各二各以左右武衛果毅領第十畢張宿旗第  
十一觜翼宿旗第十二參軫宿旗各二各以左右驍  
衛折衝領弩弓矢稍人數同第一隊法駕分二十八  
宿旗爲十隊逐隊弩減四弓矢減六稍減二十宣和

捧日拱聖神勇驍衛宣武四都指揮使分領上十隊  
以虎翼廣勇都指揮使分領下二隊次步甲前隊凡  
十二左右領軍衛將軍二人檢校並爆稍四逐隊皆  
有都尉二人分領第一第三各以左右領軍衛第五  
以左右威衛第七以左右武衛第九以左右驍衛第  
十一以左右衛並折衝第二第四各以左右領軍衛  
第六以左右威衛第八以左右武衛第十以左右驍  
衛第十二以左右衛並果毅內有鸚鵡玉馬三角獸  
黃鹿飛麟馱騃鸞麟馴象王兔辟邪等旗各二以序  
居都尉之後逐隊有弓矢刀盾相間各六十人居旗

之後法馬止十隊每隊弓矢各減二十宣和檢校吹  
用左右衛將軍又去爆稍分領並改為都指揮使第  
一第二並捧日第三第四並天武第五第六並拱聖  
第七第八並神勇第九驍騎第十宣武第十一虎翼  
第十二廣勇次前部黃麾仗絳引幡二十下分六部  
第一左右威衛第二左右領軍衛第三左右威衛第  
四左右武衛第五左右驍衛第六左右衛諸部各有  
殿中侍御史兩員本衛大將軍二人檢校本衛折衝  
都尉二人分領又各有帥兵官二十人龍頭竿六重  
重各二十揭鼓三重重各二儀鎧五色幡小戟稍各

一重重各二十弓矢三重重各二十朱綠滕絡盾并  
刀二重重各二十法駕止五部絳引幡帥兵官龍頭  
竿幡戟弓矢盾刀稍並減六宣和六部驍衛武衛屯  
衛領軍衛監門衛千牛衛皆左右上將軍天武神勇  
宣武虎翼廣勇皆都指揮都頭逐部上將軍都頭各  
一人次青龍白虎旗各一左右衛果毅都尉二人分  
押旗及領後七十騎駕八弓矢二十二稍四十法駕  
減後騎三十弩減二弓矢減八稍減二十宣和改都  
尉為虎翼都指揮使次班劍儀刀隊並騎左右衛將  
軍二人分領郎將二十四人左右親衛勳衛各四人

每衛班劍二百二十人諸翊衛左右衛六人領儀刀  
四百八人左右驍衛二人領儀刀一百三十六人左  
右武衛左右威衛左右領軍衛左右金吾衛各二人  
法駕親勳衛班劍減八十四人翊衛儀刀減一百三  
十二人增左右驍衛四人班劍儀刀九十二人宣和  
分領改左右武衛將軍及捧日天武指揮四人拱聖  
六人神勇驍騎驍勝宣武虎翼指揮使各二人次親  
勳散手驍衛翊衛隊並騎左右衛供奉中郎將四人分  
領親勳翊衛四十八人左右衛郎將二人分領散手  
翊衛六十人左右驍衛郎將二人分領驍衛翊衛五

十六人法駕親勳減十六人散手驍衛各減二十人  
宣和改爲中衛翊衛親衛隊中衛郎四人分領衛兵  
四十八人翊衛郎二人分領衛兵六十人親衛郎二  
人分領衛兵五十六人次左右驍衛翊衛三隊並各  
有二人分領第一本衛大將軍第二本衛將軍第三  
本衛郎將花鳳飛黃吉利旗各二分爲三隊逐隊弩  
十弓矢二十稍四十法駕弩減四弓矢稍各減半宣  
和分領第一第二隊左右驍衛大將軍將軍第三廣  
勇指揮使改花鳳旗爲雙連旗次夾轂隊凡六逐隊  
尉都二人檢校第一第四左右折衝第二第三第五

第六並左右衛果毅逐隊刀盾各六十人內第一第  
四有寶符旗二法駕各減刀盾二十宣和檢校改爲  
捧日天武拱聖三指揮使次捧日隊逐隊引一人押  
二人長行殿侍二十八人旗頭三人槍手五人弓箭  
手二十人左右廂天武約攔各一百五十五人法駕  
同次後部黃魔仗分六部左右衛左右驍衛左右武  
衛左右威衛左右領軍衛左右武衛部內殿中侍御  
史大將軍都尉帥兵官絳引幡龍頭竿等並同前部  
法駕減第六部絳引幡減六宣和六部第一改爲左  
右驍衛大將軍自二至六改爲天武神勇宣武虎翼

廣勇二指揮次步甲後隊凡十二皆有都尉二人分領第一以左右衛第三以左右驍衛第五以左右武衛第七以左右威衛第九第十十一各以左右領軍衛以上並果毅第二以左右衛第四以左右驍衛第六以左右武衛第八以左右威衛第十第十二各以左右領軍衛以上並折衝內有貔鷓鷯鹿金鸚鵡瑞麥孔雀野馬犛牛甘露網子祥光翔鶴等旗各二以序居都尉之後逐隊有弓矢刀盾相間各六十人居旗之後法駕止十隊宣和自第七隊以下分領改用都指揮使七八並神勇九驍騎十宣武十一虎翼十

二廣勇旗亦改其半七天正堯瑞八日有戴承十翔鶴十一紅光十二文石次後部馬隊凡十二皆以都尉二人分領第一第二各以左右衛第五第六第七各以左右武衛第十至十一十二各以左右領軍衛並折衝第三第四各以左右驍衛第八第九各以左右威衛並果毅內有角觶赤熊兕天下太平馴犀鷄鷓驪騶騶牙蒼烏白狼龍虎金牛等旗各二以序居都尉之後每隊弩十弓矢二十稍四十法駕止十隊弩減四弓矢減六稍減十二宣和改都尉爲指揮使一二並以捧日三四並以天武五六並以拱聖七八

並以神勇九以驍騎十以宣武十一以虎翼十二以廣勇內六有芝禾並秀旗七有萬年連理木旗以上鹵簿凡門有六中道之門二第一門居日月合璧等旗之後法駕居龍墀旗之後第二門居掩後隊之後法駕同各有金吾衙門旗四監門校尉六人左右道之門四第一居步甲前隊第六隊之後第二居第十二隊之後第三居夾轂隊之後第四居步甲後隊第六隊之後法駕同各有監門校尉四人宣和改校尉為使臣

輦又減指南記里白鷺鸞旗崇德皮軒畊根進賢明遠黃鉞豹尾屬車等十一餘並減大駕之半

志卷第九十九

順治十六年刊

宋史志卷第九十九

七

志卷第一百

宋史一百四十七

開府儀同三司上柱國錄軍國重事尚書右丞相監修國史領經筵事都總裁臣脫脫等奉勅修

儀衛五

紹興鹵簿  
皇太后皇后鹵簿  
皇太子鹵簿妃附  
王公以下鹵簿

紹興鹵簿宋初大駕用一萬一千二百二十二人宣和增用二萬六十一人建炎初裁定一千三百三十五人紹興初用宋初之數十六年以後遂用一萬五千五十人明堂三分省一用一萬一十五人孝宗用六千八百八十九人明堂用三千三百十九人以後

並用孝宗之數紹興用象六副象一

乾道用象一淳熙用象六而不

設副紹熙如乾道慶元後不設

六引第一引清道二人

孝宗省之

憶弩一

人騎方繖一雜花扇二曲蓋一外仗青衣二人車輻

捧二告止傳教信幡各二戟十第二引清道二人

孝宗

省憶弩一人騎鼓一鉦一大鼓十節一稍二皆騎方

繖一雜花扇四

孝宗省為二

曲蓋一幢一麾一皆騎大角

四鏡一簫二笳二橫吹二笛一簫一感栗一笳一外

仗青衣四人

孝宗省為二

車輻捧四

孝宗省為二

告止傳教信

幡各二儀刀十戟二十弓矢二十

孝宗皆省為十六

刀盾二

十稍二十

孝宗並省

第三第四第五第六引並同第二引

內花扇大角各二青衣二人

孝宗朝第二第四第五第六引內大角省為二

餘並同第二引已省之數

金吾纛稍隊纛十二

孝宗省為六

押纛二人

孝宗省為一

押衙四人

孝宗省為二

上將軍四人將軍四人

孝宗

省大將軍二人

孝宗省為一

爆稍十二並騎

孝宗省為八

朱雀

隊朱雀旗一爆稍二弩四隊前後引押各天武都指

揮一人騎 龍旗隊引旗一風師雨師雷旗電旗各

一五星旗五攝提旗二北斗旗一護旗一左右衛大

將軍一人 金吾引駕騎神勇都指揮使次弩弓矢

稍各四並騎 太常前部鼓吹鼓吹令二府史四人

管轄指揮使一人帥兵官三十六人

孝宗省作十四人

擗鼓

十二金鈺十二孝宗鼓鈺太鼓六十孝宗省作小鼓

六十孝宗省作三十節鼓一鏡鼓六羽葆鼓六歌工二十四

拱宸管二十四孝宗歌工管簫笳各三十六孝宗朝

笳二孝宗朝並長鳴六十中鳴六十孝宗朝並大橫吹六十孝宗朝

十四孝宗增笛十二孝宗增觥粟十二桃皮觥粟十二

持鈇前隊驍騎都指揮使一人將軍二人軍使四人

並騎稱長一人靈芝旗二瑞瓜旗二雙蓮花旗二太

平瑞木旗二朱雀旗一甘露旗二嘉禾旗二芝草旗

二絳引幡一孝宗省之黃麾幡一青龍白虎幢各一金節

十二罕畢各一义一鈇戟五十孝宗省為六軍儀仗

第一隊軍將二卒長二騎熊虎旗二赤豹旗二吏兵

旗力士旗二戈六矛四戟四鉞四白柯槍五十平列

旗二十在仗外分夾旗槍第二隊軍將二卒長二騎

龍君旗虎君旗各三黃熊旗四赤豹旗二吏兵旗力

士旗各一戈六矛四戟四鉞四白柯槍四十平列旗

二十分仗外第三隊軍將二卒長二騎道真官二吏

兵旗力士旗各一熊虎旗二龍君旗虎君旗各一天

王旗四十二辰旗各一戈六矛戟鉞各四白柯槍三

十平列旗二十分夾仗外孝宗朝第一隊軍將卒長

旗力士旗各二矛四戟四戟二鉞二白柯槍三十平

列旗十四餘同第二隊軍將卒長各一龍君虎君黃

嘉靖丙辰年

熊赤豹旗同戟六鉞六戈四矛四白柯槍二十第  
 三隊軍將率長各一吏兵力士熊虎龍君虎君天王旗  
 並同十二辰旗十二通直官龍墀旗隊天下太平旗  
 二自柯槍十平列旗十二重  
 一赤在前  
 一排仗大將二人夾之五方龍旗各一  
 黃在中黑在後青左白右次金鸞旗一左金鳳旗一  
 右獅子旗二君王萬歲旗一日旗一左月旗一右  
 御馬十匹分左右為五重中道隊左右衛大將軍  
 一人檢校騎日月合璧旗一慶雲旗二五星連珠旗  
 一祥光旗長壽幢各一金吾牙門第一門牙門旗  
 四次監門使臣六分左右騎孝宗省旗為金吾細仗  
 青龍旗一左白虎旗一右五嶽神旗五分前中後左

右為三列五方神旗五陳列亦如之五方龍旗二十  
 五相間為五隊每隊赤前黃中黑後青左白右五方  
 鳳旗二十五相間為五隊陳列亦如之五嶽旗在左  
 五方旗在右五龍旗在左五鳳旗在右四瀆旗江淮  
 在左河濟在右押二人分左右騎孝宗五龍五鳳旗  
 餘同八寶輿鎮國神寶左受命之寶右皇帝之寶左  
 天子之寶右皇帝信寶左天子信寶右皇帝行寶左  
 天子行寶右為四列每寶一輿每輿一香案輿案前  
 燭罩三十二引寶職掌八人侍寶官一人內外符寶  
 郎各二人扈衛一百人碧欄二十人夾扈衛之外孝宗

省相為殿中繖扇輿輦方扇二孝宗失團扇四孝宗

十一餘同省金吾四色官六人孝宗押仗二人騎金甲二人

執鉞進馬官四人騎千牛衛大將軍一人孝宗千牛

衛將軍八人孝宗金吾引駕官二人導駕官四人

並騎導大繖二孝宗鳳扇四孝宗夾繖而行前腰輿

一鳳扇十六夾輿孝宗華蓋二排列官一人香登

一火燎一小輿一逍遙子平輦駕前諸班直

駕頭鳴鞭誕馬燭罩三百三十人孝宗

人前驅都下親從官一百五十人孝宗東西班

六人孝宗殿前指揮使四十人東第三班長

人祇候五十二人班直王首九人孝宗茶酒新舊

班一百六人孝宗開道旗一纛一十二鈞容直

二百七十人駕回則作樂孝宗乾道元年吉利旗五

五方龍旗五龍旗二十孝宗門旗六十孝宗殿前

指揮使引駕骨朶子直四十人分左右夾駕頭門駕

頭下天武官二十二孝宗都下親從一十六

人孝宗茶酒班執從物殿侍二十二孝宗又都下親

從二十二孝宗劔六人孝宗麋旗一人員

一孝宗殿前指揮使行門二十二孝宗鳴鞭十三孝宗

增為一次御龍直百二十孝宗快行五十人

十四人孝宗萬曆二十八年刊

宗史志卷第...

日月麟鳳旗各一青龍白龍赤龍黑龍旗四人員二

引駕千牛上將軍一人 玉輅奉宸隊分左右充禁

衛圍子八重崇政殿親從圍子二百人為第一重從重裏

數出御龍直二百五十人為第二重崇政殿親從外圍

子二百五十人為第三重御龍直骨朵子直二百五

十人為第四重御龍弓箭直二百五十人為第五重

御龍弩直二百五十人為第六重禁衛天武二百五

十人為第七重都下親從圍子三百人為第八重孝宗

以上天武約攔二百人孝宗省作百在禁衛圍子外

編排禁衛行子二十一人快行五十九人孝宗省為四十二

管押相視御龍四直八人孝宗省為四人照管行子御龍四

直二十四人孝宗省為八人天武六人孝宗省之禁衛內攔前崇

政殿親從三十二人孝宗省作二十五人駕後部 扇篋大

黃龍旗一駕後樂東西班三十六人鈞容直三十一

人並騎孝宗此下增拾扇篋扇篋下天武二十二人

孝宗省作都下親從十六人孝宗省作八人茶酒班執從物

五十人騎孝宗省為三十人大輦輦下應奉并人員合六百

一十四人分五番孝宗乾道元年省御馬十匹為

五重 持鈔後隊神勇都指揮使二人騎重輪旗二

人大繖二孝宗省為一朱團扇八孝宗省為四鳳扇二小

雉扇二十二孝宗省鳳扇而華蓋二孝宗省俾倪十

二孝宗省御刀六玄武幢一絳麾二孝宗省又細稍十二孝宗省

六孝宗省驍騎都指揮使一人騎總領大角大角四十孝宗省

大常後部鼓吹鼓吹丞二人典吏四人孝宗省管轄

指揮使一人羽葆鼓六歌工二十四拱宸管十二簾

三十六笳二十四驍鼓六小橫吹六十笛十二鳳栗

十二帥兵官十人孝宗歌工十八拱宸管十二簾十

栗一小橫吹三十鳳栗十八桃皮鳳栗十二羽葆鼓吹六帥兵官八人黃麾幡一中金幣

象輅革輅木輅各一每輅誕馬各六在輅前駕士各

百五十四人乾道元年省之掩後隊中宣武都指揮使

使二人大戟刀盾弓矢稍各十五金吾衙門第二

門中牙門旗四分左右孝宗省監門使臣六分左右騎

為孝宗省玄武隊並騎虎翼都指揮使一人爆稍二玄

武旗一稍弓矢各十孝宗省弩五外仗分左右道

儀仗清游隊並騎白澤旗二捧日指揮使二弩四弓矢十

稍十六左右金吾十六騎天武都頭二人弩八弓

矢十二稍十二孝宗弩弓矢飲飛隊並騎拱聖指揮

使二虞候飲飛二十鐵甲飲飛十二前隊仗仗都

頭六人騎仗仗六十後隊仗仗都頭四人騎仗仗

四十前部馬隊第一隊捧日都指揮使二人角斗

亢牛旗各一弩四弓矢十稍八第二隊捧日都指揮使二人氏女房虛旗各一弩弓矢稍如第一隊第三隊天武都指揮使二人心危旗各一弩弓矢如第二隊第四隊天武都指揮使二人尾室旗各一弓矢稍如第三隊第五隊拱聖指揮使二人箕畢旗各一弩弓矢稍如第四隊第六隊拱聖都指揮使二人奎井旗各一弩弓矢稍如第五隊第七隊神勇都指揮使二人婁鬼旗各一弩弓矢稍如第六隊第八隊神勇都指揮使二人胃柳旗各一弩弓矢稍如第七隊第九隊驍騎都指揮使二人昴星旗各一弩弓矢稍如

第八隊第十隊宣武都指揮使二人畢張旗各一弩弓矢稍如第九隊第十隊第十一隊虎翼都指揮使二人觜翼旗各一弩弓矢稍如第十隊第十二隊廣勇都指揮使二人參軫旗各一弩弓矢稍如第十一隊

十隊二十八宿旗每隊十四弓矢稍每隊六餘同步甲前隊第一隊捧日指

揮使都頭各二人騎同下鵲鷄旗二青鏊甲刀盾二十孝宗刀盾省為第二隊捧日指揮使都頭龜旗朱鏊

十二下並同甲刀盾第三隊天武指揮使都頭萬年連理木旗黃

鏊甲刀盾第四隊天武指揮使都頭芝禾並秀旗白

鏊甲刀盾第五隊拱聖指揮使都頭祥鶴旗黑鏊甲

刀盾第六隊拱聖指揮使都頭犀旗黃鍪金刀盾孝宗

改黃鍪甲為青鍪甲餘並同金吾左右道牙門第一門牙門旗四

分左右監門使臣八人並騎孝宗旗省為二人使臣省為四人步甲

前隊第七隊神武指揮使都頭鸚鵡旗青鍪甲刀盾

第八隊神武指揮使都頭麟旗朱鍪甲刀盾第九隊

驍騎指揮使都頭白狼旗黃鍪甲刀盾第十隊驍騎

指揮使都頭蒼烏旗次白鍪甲刀盾第十一隊虎翼

指揮使都頭鸚鵡旗黑鍪甲刀盾第十二隊廣勇指

揮使都頭太平旗黃鍪甲刀盾自至十二隊人旗刀

盾數列如第一隊孝宗內去鸚鵡旗麟旗而用慶雲旗瑞麥旗金吾左右

道牙門第一門牙門旗四分左右監門使臣八人並

騎孝宗旗省為二人監門省為四人前部黃麾仗第一部殿中侍御史

二員騎下絳引幡十二孝宗省為十爆稍二捧日指揮使

二都頭五並騎下黃麾五十孝宗省為二十鼓四斧十戟弓

矢二十稍三十孝宗省為二十弩十第二部殿中侍御史天武

指揮使都頭青麾鼓斧戟弓矢稍弩第三部殿中御

史拱聖指揮使都頭緋麾鼓斧戟弓矢稍弩孝宗省作三部

第四部殿中御史神勇指揮使都頭黃麾鼓斧戟弓

矢稍弩第五部殿中御史驍騎指揮使都頭白麾鼓

斧戟弓矢稍弩第六部殿中御史廣勇指揮使都頭

黑鼙鼓斧戟弓矢稍弩自二里六部數列並如初部  
一青龍白虎翼並青龍旗一白虎旗一虎翼都指揮  
使二弩四弓矢十稍八班劔儀刀隊並武衛將軍  
二人捧日天武拱聖神勇指揮使各二人班劔六十  
儀刀六十次驍騎驍勝宣武虎翼指揮使各二人班  
劔六十儀劔六十親勲散手驍衛翊衛隊並中衛  
郎四人翊衛郎二人親衛郎二人衛兵四十甲騎四  
十在衛兵外左右驍衛翊衛三隊並第一隊左右  
驍衛大將軍二人雙蓮花旗二弩四弓矢十孝宗減為  
六下稍十六孝宗減為稍同第二隊廣勇指揮使二人吉

利旗弩弓矢稍數如初隊 金吾左右道牙門第二

門牙門旗四分左右監門八人並騎孝宗旗減為二

捧日隊三十四隊左右各十七隊孝宗減為十隊

每隊引一人押一人旗三人槍五人弓箭二十人

後部黃麾仗凡六部第一部至六部並同前部黃麾

仗帷無絳引幡爆稍孝宗減為戶部仗數亦同前部

幡 絳引幡二十孝宗減為十 金吾左右道牙門第四

門牙門旗四監門八人騎孝宗慎減為二

隊第一隊捧日指揮使都頭各二人騎鴟旗鴟鷄旗

各二青蓋甲刀盾二十孝宗減為十六逐隊並同第二隊天武

萬曆二十八年刊 宋史志卷第一百

指揮使都頭芝禾並秀旗萬年連理木旗朱鍔甲刀  
盾第三隊拱聖指揮使都頭犀旗鶴旗黃鍔甲刀盾  
第四隊神武指揮使都頭蒼鳥旗白狼旗白鍔甲刀  
盾第五隊驍騎指揮使都頭天下太平旗鸚鵡旗黑  
鍔甲刀盾第六隊虎翼指揮使都頭鷓鴣旗黃  
鍔甲刀盾自二至六隊數列並如初隊 金吾左右  
道牙門第五門牙門旗四監門八人騎 孝宗減旗為  
二減監門為  
四 後部馬隊第一隊捧日都指揮使二角端旗二  
弩四弓矢十稍十六 孝宗弓矢減為  
六稍減為八 第二隊捧日都  
指揮使 孝宗更  
用天武 赤熊旗弩弓矢稍第三隊天武都指

揮使 孝宗更  
用拱聖 兕旗弩弓矢稍第四隊天武指揮使 孝宗

時更  
神勇 天下太平旗弩弓矢稍第五隊拱聖都指揮使

犀旗 孝宗用  
龍馬旗 弩弓矢稍第六隊拱聖都指揮使芝禾

並秀旗 孝宗用  
金牛旗 弩弓矢稍第七隊神勇都指揮使萬

年連理旗弩弓矢稍第八隊神勇都指揮使駟牙旗

弩弓矢稍第九隊驍騎都指揮使蒼鳥旗弩弓矢稍

第十隊宣武都指揮使白狼旗弩弓矢稍第十一隊

虎翼都指揮使龍馬旗弩弓矢稍第十二隊廣勇都

指揮使金牛旗弩弓矢稍自二至十二隊數列並如

初隊

皇太后皇后鹵簿皆如禮令徽宗政和元年詔皇后

受冊排黃麾仗及重翟車陳小駕鹵簿后謙避於是

詔延福宮受冊仍舊而小駕鹵簿端禮門外黃麾仗

紫宸殿臣僚稱賀上禮並罷其景靈宮朝謁則依近

例三年議禮局上皇后鹵簿之制清游隊旗一執一人引

二人夾二人並騎金吾衛折衝都尉一員騎執攝稍二人夾領四十

騎執稍二十人弩四人橫刀一十六人次虞候伙飛

二十八騎次內僕內僕丞各一員各書令吏二人並騎次正道

黃麾一執一人夾二人並騎次左右廂黃麾仗廂各二行行一

百人第一行短戟五色斃第二行戈五色斃第三行

儀鎧五色幡左右領軍衛左右威衛左右武衛左右

驍衛左右衛等各三行行二十人各帥兵官六人領

內左右領軍衛帥兵官各三人各果毅都尉一員檢

校各一人步從左右領軍衛絳引旗引前掩後各六次內

謁者監四人給事內常侍內侍各二人並騎內給使各人步

從次內給使一百二十人次偏扇團扇方扇各二十

四次香鑿一次執擎內給使四人在重翟車前次重翟車

駕青馬六駕士二十四人行障六坐障三夾車並宮

人執次內寺伯二人騎領寺人六人分左右夾重翟

車次腰輿一輿上人團雉尾扇二夾輿次大繖四大雉

萬曆二十八年刊

宋史志卷第一百

十一

尾扇八錦花蓋二小雉尾扇朱畫團扇各十二錦曲

蓋二十錦六柱八扇自腰輿以下次宮人車次絳麾

二各一人次正道後黃麾一執一人夾次供奉宮人次

厭翟車駕赤騮翟車駕黃騮安車駕赤騮各四駕士

各二十四人四望車金根車各駕牛三駕士各一十

二人次左右廂各置開門二每門執二人夾四人一

後次左右領軍衛每廂各一百五十人執戈帥兵官

四人檢校次左右領軍衛折衝都尉各一員檢校戈

仗各一人次後戈仗內正道置牙門一每門監門檢

校二人騎每廂各巡檢校尉一員騎來往檢校前後

轂隊服五色質鍪鎧錦臂鞬白行滕紫帶鞵鞵驍衛

翊衛三隊服平巾幘緋繡袍大口袴錦滕蛇五輅副

輅耕根車駕士服平巾幘青繡衫青履鞵教馬官服

幘頭紅繡抹額紫繡衫白袴銀帶掌輦主輦服武弁

黃繡衫紫繡誕帶攏御馬者服帖金帽紫繡大袖衫

銀帶執真武幢者服武弁皐繡衫紫繡誕帶五牛旗

輿士服武弁五色繡衫大口袴銀帶掩後隊服黑鍪

甲錦臂鞬行滕鼓吹令丞服綠袴褶冠銀褐裙金銅

革帶緋白大帶履鞵太常寺府史典事司天令史服

幘頭綠衫黃半臂太常主帥搗鼓金鉦節鼓人服平

巾幘緋繡袍大口袴抹帶錦騰蛇歌拱宸管簫笳笛  
感栗無騰蛇太常大鼓長鳴小鼓中鳴服黃雷花袍  
袴抹額抹帶太常鏡大橫吹服緋苴文袍袴抹額抹  
帶太常羽葆鼓小橫吹服青苴文袍袴抹額抹帶排  
列官令史府史服黑介幘緋衫白袴白勒帛司辰典  
事漏刻生服青袴褶冠革帶殿中少監奉御供奉排  
列官引駕伏內排列承直官大將金吾引駕押仗押  
旗服幘頭紫公服烏皮鞞尚輦奉御直長乘黃令丞  
千牛長史進馬四色官服幘頭綠公服白袴金銅帶  
烏皮鞞殿中職掌執繖扇人服幘頭碧欄金銅帶烏

人次小鼓三十六帥兵官四人中鳴三十六帥兵官

二人以上並騎次誕馬十每匹二人厩牧令丞各一

員各府史二人次左右翊府郎將各一員領班劔左右

翊衛執班劔二十四人通事舍人四人司直二人文

學四人洗馬司議郎太子舍人中允中舍左右諭德

各二人左右庶子四人並騎自通事舍人次左右

衛率府副率各一員步從親勳翊衛每廂各中郎將

郎將一員並領六行儀刀第一行親衛二十三人曲

折三人第二行親衛二十五人曲折四人第三行勳

衛二十七人曲折五人第四行勳衛二十九人曲折

六人第五行翊衛三十一人曲折七人第六行翊衛

三十三人曲折八人曲折人並部後門以上三衛並騎次三

衛一十八人騎中郎將二人夾輅在六行儀刀仗內

金輅駕馬四僕寺僕馭左右率府率一員駕士二十

二人夾輅左右衛率府率各一員各步從一人次左右內

率府率各一員副率各一員並騎各步從人次千騎執

細刀弓矢三衛儀刀仗後開牙門次左右監門率府

直長各六人監後門並騎次左右衛率府每廂各翊衛

二隊並騎次厭角隊各三十人執旗二人引人執稍

一十五人弓矢七人弩三人每隊各郎將一員領次

正道繖二雉尾扇四夾繖次腰輿一輿上八人團雉

尾扇二小方雉尾扇八夾執各一人次內直郎令史各二人

騎從檢校次誕馬十典乘二人府史二人騎從次左

右司禦率府校尉各一人並騎領團扇曲蓋次朱團

扇紫曲蓋各六執各一人次諸司供奉官人次左右清道

率府校尉各一人並騎領大角三十六鏡鼓二蕭笳各

六帥兵官二人橫吹十節鼓一笛簫鳳粟玉帥兵官

二人並騎次管轄指揮使二人檢校次副輅駕四馬駕

士二十人輅車駕一馬駕士十四人四望車駕一馬

駕十二十人次左右廂步隊凡十六每隊各果毅都

尉一人領並騎隊三十人執旗一人

引二人夾二人步

二十五人前一隊執稍一隊帶弓矢以次相間

左右司禦

率府左右衛率府廂各四隊二在前二在後

次左右司禦率府副率各一

員檢校步隊各二人執爆稍騎從次儀仗左右廂各

六色色九行行六人前第一行戟赤斿第二行弓矢

第三行儀鉞并毬第四刀盾第五行儀鎧五色幡第

六行油戟次前仗首左右廂各六色色三行行六人

左右司禦率府各一員果毅都尉各一員帥兵官各

六人領次左右廂各六色色三行行六人左右衛率

府副率各一員果毅都尉各一員帥兵官各六人領

次盡後鹵簿左右廂各六色色三行行六人左右司

禦率府副率各一員各一人步從果毅都尉各一人帥兵

官各六人領左右司禦率府率兵官各六人護後並

騎每廂各絳引幡十二

執各一人引前旗六引後旗六

揭鼓十二

左右司禦率府四重左右衛率府二重

次左右廂各一百五十人

左右

司禦率府各八十六人左右衛率府各六十四人

並分前後在步隊儀仗外

馬隊內前接六旗後盡鹵簿曲折至門每廂各司禦

率府果毅都尉一員檢校各一人從每廂各帥兵官

七人並騎左右司禦率府各四人左右率府各三人

次馬隊左右廂各十隊

每隊帥兵官以下三十一人旗一

執一人引二人夾二人

執稍

十六人弓矢七人弩三人前第一隊左右清道率府  
果毅都尉各一員領第二第三第四隊左右司禦率  
府果毅都尉各一員領第五第六第七隊左右衛率  
府果毅都尉各一員領第八第九第十隊左右司禦  
率府果毅都尉各一員領次後拒隊旗一執一人引  
二人夾一  
人清道率府果毅都尉一員領四十騎執稍二十人  
弓矢十六人弩四人叉二人騎從次後拒隊前當正  
道及仗行內開牙門次左右廂各開牙門二前第一  
門左右司禦率府步隊後左右率府步隊前第二門  
左右衛率府步隊後司禦率府儀仗前第三門左右

司禦率府儀仗後左右衛率府步隊前每開牙門執  
二人夾四人並

騎監門率府直長各二人並騎次左右監門率府副

率各一員騎來往檢校諸門各一人騎從次左右清

道率府副率各三人仗內檢校并糾察各一人騎從

次少師少傅少保正道乘輅威儀鹵簿各依本品次

文武官以次陪從

皇太子妃鹵簿之制政和三年議禮局上清道率府

校尉六人騎次青衣十人次導客舍人四人內給使

六十人偏扇團扇方扇各十八並官  
人執行障四坐障二

夾車官人  
執典內二人騎厭翟車駕三馬駕士十四人

萬曆二十八年刊

次閣帥二人領內給使十八人夾車六柱二扇內給

使執次供奉內人乘犢車次繳一正道雉尾扇二團

扇四曲蓋二執繳扇各內次戟九十宋制臣子無鹵

簿名遇升儲則草具儀注政和禮雖創具鹵簿然未

及行也南渡後雖嘗討論然皇太子皆冲挹不受朝

謁官廟及陪祀及常朝皆乘馬止以官僚導從有繳

扇而無圍子用三接青羅繳一紫羅障扇四人從指

使二人直省官二人客司四人親事官二十人輦官

二十人翰林司四人儀鸞司四人厨子六人教駿四

人背印二人步軍司宣效一士人步司兵級七十八

人防警兵士四人朝位在三公上扈從在駕後方圍

子內

皇太子妃政和亦有鹵簿南渡後亦省之妃出入惟

乘檐子三接青羅繳一黃紅羅障扇四人從以皇太

子府親事官充輦官前執從物檐子前小殿侍一人

抱塗金香毬先驅則教駿兵士呵止

王公以下鹵簿凡大駕六引用本品鹵簿奉冊充使

及詔葬皆給之親王用一品之制加告止幡傳教幡

信幡各二其葬日用六引內儀仗真宗咸平二年王

承衍出葬日在禁樂禮官請鹵簿鼓吹備而不作從

之景德二年南郊鹵簿使王欽若言鄴王攢日所給鹵簿與南郊儀仗吉鹵相參望依令別制王公車輅所有鼓吹儀仗亦請增置以備拜官朝會婚葬之用從之於是儀服悉以盡其葬日在塗以革車代輅徽宗政和三年議禮局上王公鹵簿之制中道清道六人次憶弩一騎次大晟府前部鼓吹令及職掌局長院官各一人捫鼓金鈺各一大鼓長鳴各一十八捫鼓金鈺各一次引樂官二人小鼓中鳴各一十次麾幢各一節一夾稍二誕馬八每四控馬各二人革車一乘駕赤馬四駕士二十五人散扇十方繖二朱團扇四夾

方繖曲蓋各二次大角八次後部鼓吹丞一員錄事一人次鐃鼓一簫四笳四大橫吹六節鼓一夾色二笛簫簪栗笳各四次外仗青衣十二車輻棒十二戟九十絳引幡六刀盾稍弓矢各八十儀刀十八信幡八告止幡傳教幡各四儀鈿二儀鍠斧挂五色幡六油戟十八儀稍十二細稍十二次左右衛尉寺押當職掌一十一人騎部轄部兵部轄騎兵太僕寺部押人員各一人教馬官各一人押當職掌四人騎公主鹵簿惟葬日給之秦國成聖繼明夫人葬日亦給外命婦一品鹵簿自餘未嘗用

一品鹵簿

命婦同

中道清道四人 幟弩一騎 大晟府前

部鼓吹令職掌一人 局長院官各一人 搗鼓金鉦各

一大鼓長鳴各一十六 麾幢節各一稍二 誕馬六次

革車一乘 駕赤馬四 駕士二十五人

命婦厭翟車駕士二十三人

品三品准此

散扇八

二品減四 三品減六 命婦散扇五十 行障五行於車前 二品三品准此

方纒二朱團扇四 曲蓋二大角八

命婦屬車六 駕黃牛十八 駕士五十

九人行大角前 二品三品准此

次後部鼓吹丞一員 錄事一人 引樂

官二員 鐃鼓一 簫笳大橫吹各四 節鼓一 笛簫鬲栗

笳各四 外仗青衣十人 車輻棒十戟 九十刀盾稍各

八十 弓矢六十 儀刀三十 信幡八 告止幡 傳教幡 儀

鏗斧挂五色幡各四次 衛尉寺排列押當職掌一十

一人 部轄人員太僕寺部押人員教馬官各一人 押

當職掌四人

命婦加二人

二品鹵簿

命婦同

中道清道二人 幟弩一大 晟府前部

鼓吹令一 及職掌局長院官各一人 搗鼓金鉦各一

大鼓十四 麾幢節各一 夾稍二 誕馬四次 革車一乘

駕赤馬四 駕士二十五人 散扇四方 纒朱團扇 曲蓋

各二次 大角八次 後部鼓吹丞一 錄事引樂官各一

人 鐃鼓一 簫笳各二 大橫吹四 笛簫鬲栗 笳各二 外

仗青衣八人 車輻棒八戟 七十刀盾稍弓矢各六十

儀刀十四信幡四告止傳教幡各二次衛尉排列押

當職掌九人部轄人員太僕寺部押人員教馬官各

一人押當職掌四人命婦加二人

三品鹵簿命婦同中道清道二幟弩一麾幢各一節一

夾稍二誕馬四次革車一乘駕赤馬四駕士二十五

人散扇二方繖二曲盖一大角四外仗青衣八人車

輻棒六戟六十刀盾稍弓矢各五十儀刀十二信幡

四告止傳教幡各二次衛尉排列押當職掌七人部

轄人員太僕寺部押人員教馬官各一人押當職掌

四人命婦加二人以上皆政和所定也志卷第一百

